

Kyaamz Yohn

Mony Reu Ma maang phawmz

1 Meuz seun teungz maang Mony Reu Ma, Mony Reu Ma an diz naeh kawmz Phraz Pen Caoh rae Mony Reu Ma naeh Phraz Pen Caoh. Hnhz naeh kawmz Phraz Pen Caoh thaz meuz seun teungz. Hnhz phaan cih mok klawhz ceu klawhz meoz, an Hnhz nam phaan cih rae penz ne nam maang naehz. Mony Reu Ma an diz aez phawmz kaai an phaan cih klawhz meoz, phawmz an diz naeh an thaangz ta ihz hacz aamz. An thaangz ne thaangz tuh an bimz rae an bimz ne nam pae bawnz an thaangz.

6 Maang ihz hawkz an Phraz Pen Caoh phuhz truz, mus hnhz daz Yohn. Aez ihz hacz aamz keui ngaz yum tawiz hnhz rae hnhz truz krai lawng an thaangz. Hnhz nam anz an thaangz, hnhz truz krai lawng an thaangz pan. An thaangz caet samz truz tuh prih keu teh rae aez klawhz ihz nahz an thaangz.

10 Mony Reu Ma a wa naeh tuh prih keu teh, prih keu teh penz truz kawp Hnhz phaan cih mok, keuz daz ihz prih keu teh keui nam mas Hnhz. Hnhz truz cu prih Daehz, keuz daz ihz Hnhz keui nam saanyz rap Hnhz. Keuz daz ihz yum saanyz rap Hnhz keui Hnhz aez a khwaangz penz kuanz Phraz Pen Caoh. **13** Kuanz keu diz nam keut truz tawiz ceu kheuz, nam keut truz tawiz lomz naamz,

nam keut truz tawiz ihz sunz, keuz daz naeh kuanz Phraz Pen Caoh keut aez.

14 Mony Reu Ma an diz truz keut penz ihz rae truz moh peur lah ehz, neuk tang kez cuz boh traz an anz. Eh a wa awlz bunz Hnhz, bunz an diz naeh bunz Kuanz taw daehz an truz thaz Paz Phraz.

15 Yohn krai lawng Hnhz. Hnhz raak sawz daz, “Hnhz an ni naeh Tahz an ohz daz, ‘Hnhz truz thaz puatz ohz, mawh myaat lak ohz, kawp daz Hnhz naeh thaz meuz ohz maat keut.’”

16 Thaz an Hnhz keunyz ne ehz hacz aamz bawnz kez cuz seu meoz a wa thaengz

17 seu meoz. Kawp daz sinz traz ne bawnz tawiz Moses, kez cuz boh traz an anz samz

18 bawnz tawiz Yesuhz Khri. Yaeh nam ti awlz Phraz Pen Caoh, keuz daz Kuanz taw Daehz an Paz Phraz rak yaw lak ihz ne cih aez eh mas Phraz Pen Caoh.

Mony reu ma Yohn tahz teuk sruz

(Matthe 3:1-12, Markus 1:1-8, Lukas 3:1-18)

19 Ihz mawh Yio an naeh tuh weng Yerusalem keui cao saangz longz boh ihz Lewi keui maanyz Yohn daz, “Mih naeh yaeh?” Meuz ceun diz Yohn daz ceun ni.

20 Hnhz nam lao unz, lao plakz plakz daz, “Ohz nam anz Khri.”

21 Keuh kaw maanyz, “Mih naeh yaeh hoh pan daz? Naeh Eliyas haz?” Hnhz kaw daz,

“Nam anz.” “Mih naeh ihz taangz phraz an diz haz?” Hnhz kaw daz thaengz, “Nam anz.”

²² Keuh kaw maanyz hnhz, “Mih naeh yaeh hoh? Aez ehz caang lao mial ihz an phuiz ehz truz keui nahz lao plaehz ehz nahz lawng mih luz.”

²³ Yohn kaw mial daz ceun mony reu ma ihz taangz phraz Isaiah daz, “Ohz naeh reus ihz hawkz an raak tuh ruk daz, ‘Aez reung dengz Phraz Cen Cen keu sangz.’”

²⁴ Tuhz keuh ne teur ka naeh Pharise keui
²⁵ cao truz. Keuh kaw maanyz thaengz, “Beuk mih nam anz Khris, nam anz Eliyas, nam anz ihz taangz phraz an diz kaw caang daz aez teuk sruz hoh?”

²⁶ Yohn mial daz, “Ohz aez pehz nahz teuk sruz omz, keuz daz pehz nam mas Tahz an
²⁷ ceng boh peur lah pehz. Sangz daz Hnhz naeh Tahz an truz thaz puatz ohz kaw ohz nam theukz khawz tang nuarz cawng khlapz Hnhz.”

²⁸ An keu ni naeh tawz pruh Bethani thaz tui omz Yordan, tawz ti Yohn aez teuk sruz.

Soz kyehz Phraz Pen Caoh

²⁹ Thaengz seu seu ngihz, Yohn awlz Yesuhz truz cu daehz rae daz, “Yawt, soz kyehz Phraz Pen Caoh an leh thengz reung dengz
³⁰ kawi ihz prih keu teh! Hnhz an ni naeh Tahz an ohz daz, ‘Hnhz truz thaz puatz ohz, mawh myaat lak ohz, kawp daz Hnhz
³¹ naeh thaz meuz ohz maat keut.’ Ohz nam ti mas Hnhz, keuz daz aez kheuz Israel keui mas Hnhz ne ohz truz aez teuk sruz omz.”

³² Yohn kaw krai lan thaengz, “Ohz awlz Khuanz Phraz thaz kaang raaaz cur cu
³³ takz kaai Hnhz naeh ceun raang ploiz. Ohz nam ti mas Hnhz keuz daz Phraz Pen Caoh

an cao ohz truz aez teuk sruz tuh omz ne daz ohz nahz, ‘Ihz an mih awlz Khuanz cur cu takz kaai Hnhz ne naeh Tahz an aez teuk sruz tuh Khuanz Seu Ngamz keuz.’

³⁴ Ohz a wa awlz rae ohz caang krai daz Hnhz naeh Kuanz Phraz Pen Caoh.”

Teu paez Yesuhz an naeh aacz

³⁵ Thaengz seu seu ngihz Yohn boh teu paez hnhz keu aarz ceng thaengz boh a diz
³⁶ ne, hnhz awlz Yesuhz nuar truz rae daz, “Yawt, Hnhz an ni naeh soz kyehz Phraz Pen Caoh!”

³⁷ Meuz teu paez keu aarz ngarz hnhz
³⁸ daz ne kaar lan tawiz Yesuhz. Meuz Yesuhz waaiz yawt awlz kaar truz tawiz ne maanyz kaar, “Paarz khahz naehz?” Kaar kaw daz, “Rapbi, Mih moh a naez?” (Rapbi ne loz daz Sra.)

³⁹ Hnhz mial daz, “Truz yawt raez, paarz ngaz mas boh.” Kaar kaw lan tawiz awlz ti Hnhz moh rae seu ngihz an diz moh kawmz Hnhz. Meuz diz a wa naeh kraao ponz na ri teuk borz.

⁴⁰ Kaar ngarz Yohn lao rae lan tawiz Yesuhz, tuh kaar ne hawkz naeh Andre,
⁴¹ naeh seum boh Simon Petros. Hnhz khahz luat mai daehz Simon rae daz, “Ehz a wa awlz Messiah.” (Messiah ne loz daz Khris.)

⁴² Hnhz raak Simon truz cu Yesuhz. Yesuhz yawt hnhz rae daz, “Mih naeh Simon, kuanz Yohn. Mus mih ngaz daz Kephaz keuz.” (Kephaz ne teur deuiz tang Petros, loz daz reu aangz.)

Yesuhz raak Philip boh Nathanael

⁴³ Thaengz seu seu ngihz Yesuhz tatz phawmz lan prih Kalile. Hnhz awlz Philip

rae daz hnhz nahz, “Lan tawiz Ohz raez.”
⁴⁴ Philip kaw naeh ihz weng Betsaida, ceun
⁴⁵ Andre kaar Petros. Philip khahz Nathanael
 rae daz, “Ehz a wa awlz Yesuhz ihz weng
 Nasaret, naeh kuanz Yosep. Hnhz an ni
 naeh Tahz an taemz mok tuhز kyaamz
 Moses boh kyaamz ihz taangz phraz.”
⁴⁶ Nathanael kaw mial daz, “Tuhz weng
 Nasaret ne anz caang lae an rak haz?”
 Philip kaw daz, “Truz yawt raez.”
⁴⁷ Meuz Yesuhz awlz Nathanael truz ne daz
 lawng hnhz daz, “Yawt, An ni naeh ihz
 Israel caet caet, hnhz nam kaoz suamz
 ihz.”
⁴⁸ Nathanael maanyz Hnhz, “Mih cih seu
 naez mas ohz?” Yesuhz kaw mial daz,
 “Meuz Philip maat raak mih ne Ohz awlz
 mih naeh tuhز keutz teungz laangz wah.”
⁴⁹ Nathanael kaw mial daz, “Tahz Sra, Mih
 naeh Kuanz Phraz Pen Caoh, Mih naeh
 tang Khunz Israel.”
⁵⁰ Yesuhz daz, “Kawp Ohz daz Ohz awlz mih
 naeh tuhز keutz teungz laangz wah rae
 mih yum Ohz haz? Mih ngaz awlz lawng
⁵¹ mawh lak an ni boh.” Yesuhz siupz daz
 thaengz, “Ohz daz mawn pehz nahz, pehz
 ngaz awlz kaang raaoz peun lawk rae teu
 maan Phraz Pen Caoh keui cur cur raw raw
 kaai Kuanz Kingz Ihz.”

Pawiz kopz ku tuhز weng Kana

2 Moh thaengz aarz seu ngihz maang
 pawiz kopz ku tuhز weng Kana, tuhز
 prih Kalile, mah keuh Yesuhz kaw naeh

² a diz. Yesuhz boh teu paez Hnhz kaw
 ihz paangz keuh lan pawiz kopz ku an
³ diz. Meuz omz seu pit hacz ne mah keuh
 Yesuhz daz Hnhz nahz, “Keuh nam maang
 omz seu pit leui.”
⁴ Yesuhz mial daz, “Mah aez, caang daz
 lao Ohz cih naehz lah? Kraao Ohz maat
 phraeoz.”
⁵ Mah keuh kaw lao peur cao keu diz nahz,
 “Cih tawiz an Hnhz lao pehz raez.”
⁶ A diz maang preng lawnz reu aangz tualz
 tam mok, aez seu ngamz tawiz thungz Yio,
 preng teun akz ne kut omz kraao aarz waiz
⁷ lam. Yesuhz lao peur cao keui nahz, “Sapz
 omz tuhز preng neuk neuk raez.” Keuh kaw
⁸ sapz neuk waar preng. Yesuhz kaw daz
 keuh nahz, “Seu ni beukz lan aez ihz raenz
 pawiz nahz raez.” Peur cao keu diz kaw
⁹ cih tawiz. Ihz raenz pawiz kaw cim yawt
 omz seu pit an naeh omz ngiar penz. Peur
 cao keui mas omz seu pit leh omz penz kaw
 ihz raenz pawiz samz nam mas daehz nahz
¹⁰ rae raak tahz seu naaoz daz, “Ihz keui tam
 aacz omz seu pit an priangz, meuz ihz a wa
 saakz ne caang tam an nam priangz. Keuiz
 daz mih samz taw seu ni kaw yeung maang
 mok an priangz.”
¹¹ An ni an laak laaiz an Yesuhz plaez aacz
 ihz, Hnhz plaez tuhز weng Kana tuhز prih
 Kalile. Hnhz cih aez bunz Daehz thaangz
 rae teu paez Hnhz keui kaw yum Hnhz.
¹² Waaiz an diz Yesuhz boh mah keuh, seum
 bohz Hnhz boh teu paez Hnhz keui lan
 weng Kapernaum. Keuh thangz a diz nam
 heungz seu ngihz.

Yesuhz wah thengz ihz saz ihz yal a wat

(Matthe 21:12-13, Markus 11:15-17, Lukas 19:45-46)

- ¹³ Meuz a wa thatz pawiz lawt phez ne
¹⁴ Yesuhz lan weng Yerusalem. A wat ne Hnhz awlz ihz saz meuk, soz, ploiz boh ihz teur yal paekz keu dez a pheunz
¹⁵ daehz. Hnhz leh nuarz cih kawn rotz, wah thengz keuh tang soz, tang meuk thaz wat, Hnhz thawkz thengz paekz ron ihz teur yal paekz, seun kupz thengz tang pheunz
¹⁶ keuh. Hnhz lao tang ihz saz ploiz keui nahz, “Leh keu ni lae lan a niz raez! Yak cih teur laas tuhز कांग Paz Ohz.” Teu paez Hnhz keui tang mony reu ma taemz mok daz, “An ohz takz phawmz कांग Mih ne cih teuk kawcz ohz.”
¹⁸ Ihz mawh Yio keui kaw lao Hnhz, “An Mih maang a na cih ceun ni ne Mih ngaz plaez ehz nahz an laak laaiz naehz?”
¹⁹ Yesuhz tawpz daz, “Ya thengz wat an ni, Ohz ngaz cih mial waiz seu ngihz aez wa.”
²⁰ Ihz mawh Yio keui mial daz, “Wat an ni bawnz cih ponz kawlz tualz wit, Mih samz ngaz cih taw waiz seu ngihz pan haz?”
²¹ Keuiz daz Yesuhz sunz daz toz Daehz
²² naeh wat. Waaiz Hnhz meu rae imz ne teu paez Hnhz keui tang mony reu ma an lao mok aacz daehz nahz ceun ni. Keuh kaw yum kyaamz lik boh mony reu ma Yesuhz lao.

Yesuhz mas phawmz ihz

- ²³ Meuz phangz pawiz lawt phez ne Yesuhz naeh tuhز weng Yerusalem, ihz tang heungz keui awlz an laak laaiz Hnhz plaez
²⁴ rae teur aacz daehz yum Hnhz. Keuiz daz

Yesuhz nam yum keuh, kawp daz Hnhz mas phawmz ihz hacz aamz.

- ²⁵ Hnhz nam lo ihz krai plaez lawng ihz kawp daz Hnhz mas an naeh tuhز phawmz ihz.

Yesuhz boh Nikodemus

- 3** Maang Pharise hawkz, naeh ihz mawh
² Yio, mus hnhz daz Nikodemus. Meuz teuk bimz ne hnhz truz cu Yesuhz daz, “Tahz Sra, ehz mas Mih naeh sra truz thaz Phraz Pen Caoh, kawp daz beuk Phraz Pen Caoh nam naeh kawmz kaw yaeh nam caang plaez an laak laaiz ceun diz.”
³ Yesuhz mial daz, “Ohz daz mawn mih nahz, beuk yaeh nam keut thaengz kaw nam bawnz awlz prih Phraz Pen Caoh.”
⁴ Nikodemus kaw maanyz, “Ihz mawh ne cih seu naez caang keut thaengz? Mial kut tuhز klungz mah daehz rae caang kai keut thaengz haz?”
⁵ Yesuhz kaw tawpz, “Ohz daz mawn mih nahz, beuk yaeh nam keut tawiz omz boh Khuanz kaw nam bawnz kut tuhز prih
⁶ Phraz Pen Caoh. Lomz naamz kaw keut tawiz lomz naamz, keuiz daz khuanz kaw
⁷ keut tawiz Khuanz. Mih yak sangz an Ohz daz mih nahz, ‘Pehz bawnz keut thaengz
⁸ seu laehz.’ Kurz pat tawiz an daehz sunz. Pehz ngarz boh reus kurz, keuiz daz pehz nam mas hnhz truz thaz naez, lan thaz naez. Ihz keut tawiz Khuanz kaw naeh ceun diz.”
⁹ Nikodemus maanyz daz, “An ni cih seu naez penz bawnz?”
¹⁰ Yesuhz kaw mial lao, “Mih naeh sra kheuz Israel hawkz kaw maat loz phawmz an keu
¹¹ ni haz? Ohz daz mawn mih nahz, ehz lao an ehz mas, ehz krai an ehz awlz kaw pehz

¹² nam yum an ehz krai. Ohz lao lawng phrihz phrahz prih keu tehz ne pehz nam yum kaw beuk Ohz lao lawng phrihz phrahz kaang raaoz ne pehz ngaz cih seu naez yum?

¹³ Neuz lak Kuanz Kingz Ihz an cur truz thaz kaang raaoz ne yaeh nam ti raw lang kaang raaoz leui.

¹⁴ Ceun Moses phrawz mok heunyz tawng kaai lakz tuhز ruk ne Kuanz Kingz Ihz kaw

¹⁵ ngaz talz ihz phrawz Daehz, aez ihz yum Hnhz klawhz ihz keui aez bawnz phawmz

¹⁶ cen cen. Kawp Phraz Pen Caoh rak ihz tuhز prih keu tehz baaiz rae cunz Kuanz Daehz an naeh taw hawkz, aez ihz an yum Hnhz klawhz ihz keui nam luh sumz, keuz daz

¹⁷ aez bawnz phawmz cen cen. Phraz Pen Caoh phuhz Kuanz Daehz truz tuhز prih keu tehz ne nam anz ta aez taam ihz tuhز prih keu tehz, ta Hnhz khyawt ihz tuhز prih keu tehz.

¹⁸ Ihz yum Hnhz keui nam talz taam. Ihz nam yum keui samz kawp keuh nam yum Kuanz Phraz Pen Caoh taw Daehz rae talz

¹⁹ taam thaz seu ni. An talz taam ne an thaangz a wa phraeoz tuhز prih keu tehz, keuz daz ihz keui song an bimz lak an

²⁰ thaangz, kawp daz reung cih keuh naeh an meukz. Ihz cih an meukz keui ceuh an

²¹ thaangz, keuh doz an thaangz ne ngaz plaез an keuh cih rae nam truz cu an

²¹ thaangz. Keuz daz ihz cih tawiz an anz keui truz cu an thaangz, aez ihz awlz saang raang an daehz cih ne tawiz Phraz Pen Caoh.”

Yesuhz boh Yohn tahz teuk sruz

²² Waaiz an diz Yesuhz boh teu paez Hnhz keui lan tawiz pruh, tuhз prih Yio, Hnhz moh kawmz ihz a diz rae aez teuk sruz.

²³ Yohn kaw aez teuk sruz tawz ti Aenon, rim weng Salim, kawp daz a diz omz leung baaiz, ihz keui kaw truz leh teuk sruz.

²⁴ Meuz phangz an diz Yohn maat klaez thang.

²⁵ Teu paez Yohn teur ka boh ihz Yio hawkz

²⁶ teur thiangz daehz lawng seu ngamz. Keuh truz cu Yohn rae daz hnhz nahz, “Tahz sra, ihz an mih tomz krai thaz tui omz Yordan ne seu ni aez teuk sruz omz rae ihz hacz aamz keui teur aacz daehz lan cu Hnhz.”

²⁷ Yohn lao mial keuh nahz, “Beuk thaz kaang raaoz nam aez a khwaangz kaw ihz

²⁸ nam bawnz naehz. Toz pehz naeh saak se ohz, an ohz daz, ‘Ohz nam anz Khris, keuz daz ihz phuhz ohz truz aacz Hnhz.’ Seu naaoz an ngaz leh trawsz ne naeh tahz seu naaoz. Kuanz bohз an ceng teuk ngarз mony reu ma tahz seu naaoz samz seuz phawmz teuk. Kawp ceun diz ohz kaw seuz

³⁰ phawmz mawn. Hnhz yeung moh yeung mawh, ohz samz yeung moh yeung kyehez.

Tahz an truz thaz lang kol

³¹ Tahz an truz thaz lang kol ne naeh lang kol ihz hacz aamz. Ihz an penz thaz prih keu tehz samz naeh ihz prih keu tehz rae mawz krai lawng keu tehz. Tahz an truz thaz kaang raaoz samz naeh lang kol ihz

³² hacz aamz. Tahz an diz krai an Daehz awlz, an Daehz ngarз kaw yaeh nam yum

³³ an Hnhz krai. Ihz yum an Hnhz krai keui khaam saak se daz Phraz Pen Caoh eunz

³⁴ anz mawn. Tahz an Phraz Pen Caoh phuhz truz ne mawz upz mony reu ma Phraz Pen Caoh kawp daz Phraz Pen Caoh aez

³⁵ thonz thonz Hnhz nahz Khuanz. Paz rak Kuanz rae aez tuhз tihz Kuanz Daehz hacz

³⁶ aamz. Ihz yum Kuanz keui bawnz phawmz cen cen. Ihz an thiangz Kuanz samz nam bawnz phawmz, keuh talz tawsahz Phraz Pen Caoh.”

Yesuhz boh keun nyah Samari

4 Yesuhz mas Pharise keui ngarz Daehz aez teuk srucz rae cih aez teu paez ² Daehz heungz lak Yohn. Mawn mawn tae nam anz Yesuhz aez teuk srucz, naeh teu ³ paez Hnhz keui tahz aez. Hnhz lae thaz ⁴ prih Yio, lan mial prih Kalile. Hnhz bawnz datz lan tuhz prih Samari.

⁵ Hnhz phraeoz weng Sikhar, prih Samari, naeh rim ti keu teh Yakop aez kuanz ⁶ daehz Yosep nahz. A diz maang omz lu Yakop, tawiz reung dengz ne Yesuhz reu rae keu dez rim omz lu. Meuz phangz an diz naeh kraao seu ngihz keun cang.

⁷ Meuz keun nyah Samari hawkz truz beukz omz ne Yesuhz daz hnhz nahz, “Aez ⁸ Ohz nahz omz seum tiangz raez.” Meuz phangz an diz teu paez keui kut yal seum suamz tuhz weng.

⁹ Keun nyah Samari daz Hnhz nahz, “Mih naeh keur meh Yio, ohz naeh keun nyah Samari. Cih naehz maanyz omz tiangz tawz ohz a?” Kawp daz Yio keui nam cih boh raen Samari.

¹⁰ Yesuhz daz hnhz nahz, “Beuk mih mas kez cuz Phraz Pen Caoh boh ihz an maanyz tiangz omz tawz mih ne naeh yaeh kaw mih ngaz maanyz Hnhz, Hnhz kaw ngaz aez mih nahz omz phawmz imz.”

¹¹ Keun nyah ne daz, “Sra, Mih nam maang naehz beukz omz, omz lu kaw truh, Mih ¹² ngaz leh omz phawmz imz a naez? Mih mawh myaat lak ihz keu daehz keu daepz

ehz Yakop haz? Hnhz kawngz aez ehz nahz omz lu an ni, toz hnhz boh kuanz hnhz tang toz satz hnhz keui tiangz omz lu an ni.”

¹³ Yesuhz tawpz daz, “Ihz tiangz omz an ¹⁴ ni, seu laehz ngaz coh thaengz. Keuiz daz ihz tiangz omz an Ohz aez samz nam coh thaengz seu pawk leui. Omz an Ohz aez kaai ihz an diz ne ngaz penz omz bawz tuhz phawmz hnhz, an laiz lae aez hnhz bawnz phawmz cen cen.”

¹⁵ Keun nyah ne daz Hnhz nahz, “Sra, aez ohz nahz omz an diz, yak aez ohz coh omz boh yak aez ohz bawnz truz beukz omz a niz leui.”

¹⁶ Yesuhz daz keun nyah nahz, “Weng raak tahz mih mial truz a niz raez.”

¹⁷ Keun nyah an diz mial daz, “Ohz nam maang tahz.” Yesuhz daz hnhz nahz, “Mih daz daehz nam maang tahz ne anz mawn.

¹⁸ Kawp daz mih a wa hacz tahz khantz, an kiukz boh seu ni kaw nam anz tahz mih. An mih daz ne tawz baaz.”

¹⁹ Keun nyah ne daz, “Sra, ohz mas Mih ²⁰ naeh ihz taangz phraz. Ihz keu daehz keu daepz ehz keui koz kwaai kaai rang an ni, keuiz daz Yio ceun pehz samz daz, ti ihz keui koz kwaai ne trohz naeh tuhz weng Yerusalem.”

²¹ Yesuhz lao keun nyah an diz nahz, “Keun nyah aez, yum Ohz lah. Kraao ihz koz kwaai Paz nam anz taw kaai rang an ni boh nam anz taw tuhz weng Yerusalem ²² ne ngaz phraeoz. Pehz naeh ihz Samari koz kwaai an pehz nam mas, ehz Yio samz koz kwaai an daehz mas, kawp daz Tahz ²³ Khyawt ne paw truz tuhz kheuz Yio. Kraao leh khuanz boh saet ca koz kwaai Paz ne ngaz phraeoz daz ne seu ni a wa phraeoz. Kawp daz Paz khahz ihz koz kwaai Daehz

²⁴ ceun diz. Phraz Pen Caoh naeh Khuanz, ihz koz kwaai Hnhz keui bawnz koz kwaai tuhز khuanz boh tuhز saet ca.”

²⁵ Keun nyah kaw daz, “Ohz mas Messiah, an naeh Khriis te truz. Meuz Hnhz truz ne lao plaetz ehz nahz hacz aamz.”

²⁶ Yesuhz lao keun nyah an diz nahz, “An yeung reu ma boh mih ne naeh Tahz an diz.”

²⁷ Meuz diz teu paez keui mial truz phraeoz ne awlz Hnhz upz taw keun nyah an diz rae sangz. Keuiz daz keuh nam maanyz keun nyah ne nahz, “Mih lo naehz?” Samz nam maanyz Yesuhz nahz, “Mih upz cih naehz keun nyah an diz?”

²⁸ Keun nyah an diz kaw mok thengz klohz omz, kut lao ihz tuhز weng daehz keui nahz, “Teur aacz daehz truz yawt ihz an kraih bawnz an ohz cih peun klawhз meoz raez. Anz hnhz caang naeh Khriis?” Keuh lae truz thaz weng rae truz cu a Hnhz.

³¹ Meuz phangz an diz teu paez keui maanyz Hnhz nahz, “Tahz Sra, suamz raez.”

³² Keuiz daz Hnhz lao keuh nahz, “Ohz maang seum suamz an pehz nam mas.”

³³ Teu paez keui kaw teur daz daehz nahz, “Maang ihz seu hawkz hawkz a wa truz aez Hnhz nahz seum suamz doz?”

³⁴ Yesuhz daz, “Seum suamz Ohz ne naeh an cih tawiz reung dawhз Tahz an phuз Ohz truz boh cih teuk wa kaanz Hnhz.

³⁵ Anz pehz ngaz nam daz moh thaengz ponz kiarz kaw naeh kiarz ihz woc. Ohz lao pehz nahz, plaakz ngaai yawt tuhз maar raez! Plaehz keui a wa sinz, a wa trohz seum

³⁶ woc. Ihz woc leh keui bawnz langz woc, plaehz an keuh rawmз keui naeh ihz bawnz phawmз cen cen. Kawp ceun diz ihz woc boh ihz plihz keui ngaz seuz phawmз teur

³⁷ deuiz. Mony khraepz daz, ‘Hawkz plihz
³⁸ hawkz woc’ ne anz mawn. Ohz cao pehz woc leh tawiz ti pehz nam plihz. Ihz teur ka keui cih nyaapz mok, pehz samz bawnz woc leh tuhз kaanz keuh.”

Ihз Samari keui yum

³⁹ Kheuz Samari heungz baaiz an lae truz thaz weng keui yum Yesuhz, kawp daz keun nyah lao keuh daz, “Ihз an diz kraih bawnz an ohz cih peun klawhз meoz.”

⁴⁰ Kawp ceun diz Samari keui lan cu Yesuhz cao thangz a daehz. Yesuhz kaw thangz a diz aarz seu ngihz.

⁴¹ Kawp mony reu ma Hnhz rae ihz baaiz
⁴² yum heungz truz. Keuh daz keun nyah nahz, “Ehз yum nam an kawp mony mih lao, seu ni toz ehз a wa ngarз, ehз mas Hnhz an ni naeh mawn Tahз Khyawt prih keu tehz.”

Yesuhz cih aez kuanz ihз mawh siukz moh rak

⁴³ A wa bawnz aarz seu ngihz kaw Hnhz
⁴⁴ lae a diz lan prih Kalile. Toz Yesuhz lao daz, “Ihз taangz phraz nam maang sre tuhз prih daehz.” Meuz Hnhz phraeoz prih Kalile ne ihз prih Kalile keui saanyz rap Hnhz. Keuh awlz an Yesuhz cih klawhз meoz tuhз weng Yerusalem meuz phangz pawiz lawt pheз, kawp daz keuh kaw lan naeh tuhз pawiz an diz.

⁴⁶ Hnhz lan tuhз weng Kana tuhз prih Kalile thaengz seu laehz, ti an Hnhz leh omz cih penz omz seu pit. A diz maang ihз mawh siukz hawkz, kuanz keur meh hnhz penz
⁴⁷ boh tuhз weng Kapernaum. Meuz ihз an diz ngarз Yesuhz tae leh prih Yio truz

prih Kalile ne, hnhz lan maanyz Yesuhz truz seuk neum kuanz daehz an ngaz yam.

⁴⁸ Yesuhz daz hnhz nahz, “Beuk pehz nam awlz an laak laaiz boh rak seum sangz kaw pehz nam yum.”

⁴⁹ Ihz mawh an diz daz, “Sra, truz meuz kuanz ohz maat yam ne raez.”

⁵⁰ Yesuhz mial daz, “Mih lan raez, kuanz mih ngaz moh rak.” Ihz an diz kaw yum

⁵¹ mony reu ma Yesuhz lao rae weng. Meuz ihz mawh siukz yeung naeh tawiz reung dengz ne saanyz peur cao daehz keui lao daehz nahz, “Kuanz mih a wa moh rak.”

⁵² Hnhz kaw maanyz keuh, “Moh rak meu naeh ne hoh?” Keuh kaw daz, “An hnhz reum ne bilz kraao seu na ri meuz seu ngihz

⁵³ waaiz prawhz.” Paz kuanz ihz kaw tang kraao an diz naeh kraao Yesuhz daz daehz nahz, “Kuanz mih a wa moh rak.” Kawp ceun diz hnhz boh ihz kaang keuh keui yum Yesuhz.

⁵⁴ An ni naeh an laak laaiz Yesuhz plaiez kaai aarz laehz, waaiz Hnhz lae thaz prih Yio truz prih Kalile.

Yesuhz seuk neum ihz a waar nawngz

5 Waaiz an diz maang pawiz kheuz Yio rae Yesuhz lan weng Yerusalem.

² Tuhz weng Yerusalem rim Keur Wah Soz ne maang nawngz hawkz, maang crawl khantz wit wit nawngz. Omz nawngz an diz

³ mony Hebre daz Bethesda. Tawiz crawl keu diz maang wungz ihz penz, ihz ngaai bimz, ihz nam mawz nuar, ihz yam seu

⁴ plaakz keui yaetz ngawm omz keusz. Kawp daz meuz kraao phraeoz ne teu maan kaang raaoz cur cu a nawngz rae cih teuk keusz omz. Meuz omz keusz ne ihz an kut aacz tuhaz nawngz ne penz naehz kaw bilz

⁵ lan. A diz maang ihz hawkz, hnhz penz

⁶ a wa bawnz waiz kawlz tahz wit. Meuz Yesuhz awlz hnhz yaetz boh a diz rae mas hnhz penz ceu nawhz baaiz ne, Yesuhz maanyz hnhz, “Anz mih sunz moh rak?”

⁷ Ihz penz an diz mial daz, “Tahz Sra, meuz omz keusz ne nam maang ihz kawr ohz kut tuhaz nawngz. Meuz ohz yeung kyaam kut ne ihz a wa tan aacz ohz.”

⁸ Yesuhz kaw daz hnhz nahz, “Rawi raez,

⁹ leh saatz mih nuar lan raez.” Meuz diz luat ihz an diz kaw a wa moh rak. Hnhz leh saatz daehz nuar lan. Meuz diz naeh kaai

¹⁰ seu ngihz sinz. Kawp ceun diz ihz mawh Yio keui daz ihz mial moh rak truz ne nahz, “Meu ni naeh seu ngihz sinz, mih leh saatz daehz ne nam tawiz sinz traz.”

¹¹ Keuz daz hnhz mial daz, “Ihz an cih aez ohz moh rak ne daz ohz nahz, ‘Leh saatz

¹² mih nuar lan.’” Keuh kaw maanyz hnhz, “Yaeh lao mih daz, ‘Leh saatz mih nuar lan a?’”

¹³ Ihz moh rak truz an diz kaw nam mas ihz an cih aez daehz moh rak, kawp daz a diz maang ihz heungz baaiz, Yesuhz dawmz dawmz lae lan peur lah wungz ihz.

¹⁴ Waaiz an diz Yesuhz awlz hnhz naeh a wat rae daz hnhz nahz, “Yawt, mih a wa moh rak, yak cih thaengz reung dengz kawi leui naz, doz mih talz na lak an ni.”

¹⁵ Ihz an diz lae lan lao ihz mawh Yio keui nahz, ihz cih aez ohz moh rak ne naeh Yesuhz.

Yesuhz daz Daehz naeh Kuanz Phraz Pen Caoh

¹⁶ Yesuhz cih an keu diz kaai seu ngihz sinz rae tae leh seu ngihz an diz ihz mawh Yio keui tawiz dawmz pae suamz Hnhz.

¹⁷ Yesuhz daz keuh nahz, “Paz Ohz yeung cih kaanz se se taw seu ni rae Ohz kaw yeung cih.”

¹⁸ Kawp ceun diz ihz mawh Yio keui baaiz kyaam piamz Hnhz. Kawp keuh daz Hnhz pleung seu ngihz sinz nam kaz, Hnhz daz Phraz Pen Caoh naeh Paz Daehz, mok Daehz teuk krengz Phraz Pen Caoh.

¹⁹ Yesuhz tawpz daz keuh nahz, “Ohz daz mawn pehz nahz, Kuanz nam cih naehz tawiz Daehz, Hnhz cih tawiz ceun awlz Paz Daehz cih. Kawp daz Paz cih naehz

²⁰ kaw Kuanz kaw cih tang Daehz. Kawp Paz rak Kuanz rae sawnz plaez Kuanz Daehz nahz reung cih Daehz hacz aamz. Hnhz ngaz sawnz plaez Kuanz Daehz nahz lawng kaanz baaiz mawh lak an ni ne cih aez pehz

²¹ sangz. Ceun Paz aez ihz yam keui meu rae rawi, aez phawmz imz ne Kuanz kaw aez

²² phawmz imz kaai ihz an Daehz sunz. Paz nam tatz traz kaai ihz, keuz daz Hnhz a wa aez Kuanz Daehz a na an tatz traz hacz

²³ aamz. An diz cih aez ihz hacz aamz nap suamz Kuanz, deuz tang nap suamz Paz. Ihz nam nap suamz Kuanz kaw deuz tang nam nap suamz Paz an phuhz Kuanz Daehz truz.

²⁴ Ohz daz mawn pehz nahz, ihz teuk ngarz mony Ohz boh yum Tahz an phuhz Ohz truz ne bawnz phawmz cen cen rae nam talz taam reung dengz kawi. Hnhz naeh ihz an

²⁵ yam plai lan cu an imz. Ohz daz mawn pehz nahz, kraao ihz yam keui ngarz reus Kuanz Phraz Pen Caoh ne ngaz phraeo.

²⁶ Kraao an diz naeh seu ni. Ihz an ngarz reus Kuanz keui meu rae imz. Ceun Paz maang taanz khoz caang aez phawmz ne Hnhz aez Kuanz Daehz nahz taanz khoz an diz aez

²⁷ ihz phawmz imz. Paz aez Kuanz nahz a na tatz traz kawp daz Kuanz naeh Kuanz

²⁸ Kingz Ihz. Yak sangz lawng an kraao ihz naeh tuh peun lu keui ngarz reus Kuanz

²⁹ rae, meu rae imz truz ne ngaz phraeo. Ihz cih rak keui rawi phawmz imz cen cen, ihz cih meukz keui samz rawi talz taam.

Ihz krai lawng Yesuhz

³⁰ Ohz nam caang cih naehz tawiz a na Daehz. Ohz tatz traz tawiz Ohz ngarz, an Ohz tatz kaw phrengz, kawp daz Ohz nam cih tawiz phawmz Daehz, Ohz cih tawiz phawmz Paz an phuhz Ohz truz.

³¹ Beuk Ohz krai lawng Daehz kaw Ohz eunz

³² nam tawz. Maang hawkz an krai lawng Ohz. Ohz mas an hnhz krai lawng ohz ne

³³ tawz boh. Pehz cao ihz daehz lan cu Yohn,

³⁴ hnhz kaw krai lawng Ohz an anz. Keuz daz nam anz daz Ohz lo ihz krai lawng

³⁵ Ohz. Ohz daz ceun diz ne aez pehz bawnz reung dengz khyawt. Traz Yohn naeh ngal

³⁶ ngawiz peun kleoz rae thaangz, pehz sunz mon seu co tuh an thaangz hnhz. Ohz

³⁷ maang saak se mawh lak saak se Yohn. An laak laaiz an Paz Ohz aez Ohz cih teuk

³⁸ wa kaw naeh an laak laaiz an Ohz yeung cih. An laak laaiz an diz kaw plaez daz

³⁹ Paz phuhz Ohz truz. Toz Paz an phuhz Ohz truz kaw krai plaez lawng Ohz. Pehz

⁴⁰ nam ti ngarz reus Hnhz boh nam ti awlz raang Hnhz. Pehz nam tawnz mony reu ma

⁴¹ Hnhz, kawp daz pehz nam yum Tahz an Hnhz phuhz truz. Pehz yawt tuh kyaamz

⁴² lik kawp daz pehz thaang bawnz phawmz cen cen tuh kyaamz lik. Kyaamz lik an diz

⁴³ keuz kaw krai lawng Ohz. Pehz nam sunz truz cu Ohz aez daehz bawnz phawmz cen

⁴⁴ cen. Ohz nam khahz ihz lupz Daehz. Keuz daz Ohz mas pehz nam rak Phraz Pen Caoh.

⁴³ Ohz truz tawiz a khwaangz Paz Daehz kaw pehz nam saanyz Ohz, keuz daz beuk ihz truz daehz ne pehz ngaz saanyz rap.
⁴⁴ Pehz teur deuiz teur lupz mial daehz rae pehz nam dawhz Phraz Pen Caoh an naeh taw hawkz lupz daehz ne pehz ngaz cih
⁴⁵ seu naez yum Ohz? Yak thaang Ohz ngaz nae pehz aacz ngaai Paz. Ihz nae pehz
⁴⁶ ne naeh Moses an pehz mang. Beuk pehz yum Moses kaw pehz yum Ohz kawp daz
⁴⁷ hnhz taemz mok lawng Ohz. Pehz nam yum kyaamz Moses taemz mok kaw ngaz cih seu naez yum mony reu ma Ohz?”

Yesuhz damz ihz hanz rengz

(*Matthe 14:13-21, Markus 6:30-44, Lukas 9:10-17*)

6 Waaiz an diz Yesuhz lo lan thaz tui nawngz Kalile, an daz nawngz
² Tiberias. Ihz wungz mawh keui lan tawiz puatz Hnhz kawp daz keuh awlz an laak
³ laaiz an ihz penz keui moh rak. Yesuhz raw kaai rang, a diz Hnhz keu dez kawmz teu
⁴ paez Daehz. Meuz diz maen meuz a wa
⁵ thatz pawiz lawt phez Yio. Meuz Yesuhz teuk soz awlz wungz ihz keui truz cu Daehz ne daz Philip nahz, “Ehz ngaz yal seum
⁶ suamz a naez ta ihz keu ni suamz?” Hnhz caam yawt Philip rae maanyz, Hnhz mas boh Daehz bawnz cih ceun nae.
⁷ Philip tawpz daz, “Aez keuh bawnz suamz ihz teur nyaenz ne yal paekz ron ta aarz peur ya pyaz ta ihz hawkz cih kaanz tahz kiarz kaw nam kumz bawnz keuh.”
⁸ Teu paez Hnhz thaengz hawkz, Andre an naeh seum boh Petros daz Yesuhz

⁹ nahz, “A niz maang kuanz keur meh hawkz maang kaaiz mun mu yaw khanz boh kahz keu aarz, keuz daz ihz heungz baaiz rae nam loz naehz.”
¹⁰ Yesuhz daz, “Aez ihz keu dez raez.” A diz naeh ti taak ngiar heungz, ihz keui kaw keu dez, keuh naeh kraao hanz rengz.
¹¹ Yesuhz kaw leh kaaiz mun rae taang kez cuz Phraz, teur phraez aez ihz keu dez keui nahz, seu keuh dawhz. Kahz kaw Hnhz cih
¹² ceun diz. Meuz keuh a wa suamz saakz ne Yesuhz daz teu paez Daehz nahz, “Seutz leh an nyawi leuz keui, yak aez thengz
¹³ maat.” Keuh seutz leh an nyawi an ihz suamz kiutz mok kaai kaaiz mun mu yaw khanz ne bawnz seu kawlz aarz piat neuk neuk.
¹⁴ Meuz ihz keui awlz an laak laaiz Yesuhz plaiez ne daz, “Hnhz an ni naeh mawn ihz taangz phraz an ngaz truz cu prih keu
¹⁵ tehz.” Meuz Yesuhz mas keuh ngaz truz cawpz Daehz aez Hnhz cih khunz keuh ne Hnhz kaw lae lan thaz a diz, raw lang rang taw Daehz.

Yesuhz nuar kaai omz

(*Matthe 14:22-33, Markus 6:45-52*)

¹⁶ Meuz teuk borz ne teu paez Hnhz keui
¹⁷ cur cu tuhz nawngz, kut tuhz ceun luang, lo omz rae lan weng Kapernaum. Meuz phangz an diz a wa bimz, Yesuhz samz
¹⁸ maat phraezoz tawz keuh. Kurz pat krang baaiz rae seuk mar omz seuk rawi mawh.
¹⁹ Meuz keuh wit lan kraao waiz lakz ponz lakz ne keuh awlz Yesuhz nuar kaai omz, phraezoz truz thatz ceun luang keuh rae

²⁰ keuh khranz. Keuiz daz Yesuhz daz keuh
²¹ nahz, “Yak doz, naeh Ohz eu.” Keuh kaw
 seuz phawmz saanyz rap Yesuhz kut tuhz
 ceun luang daehz, meuz diz ceun luang
 kaw phraeoz luat lang pukz ti keuh lo lan.

Ihz khahz Yesuhz

²² Ceun kap siz ne wungz ihz an naeh thaz
 tui omz keui keuh tang an prawhz naeh taw
 ceun luang seu lamz pan, Yesuhz nam kut
 tuhz ceun luang, naeh taw teu paez keui
²³ pan kut tuhz ceun luang lae lan. Waaiz
 an diz ceun luang teur ka an truz thaz
 weng Tiberias keui truz phraeoz rim ti
 Tahz taang kez cuz Phraz rae tawz ti ihz
²⁴ keui suamz kaaiz mun. Meuz wungz ihz
 keui mas Yesuhz boh teu paez keui nam
 naeh a diz rae keuh kut tuhz ceun luang,
 lan khahz Yesuhz tawz weng Kapernaum.

Yesuhz naeh seum suamz phawmz imz

²⁵ Meuz keuh awlz Yesuhz thaz tui nawngz
 ne keuh daz Hnhz nahz, “Tahz Sra, Mih
 phraeoz a niz meu naeh?”
²⁶ Yesuhz tawpz daz, “Ohz daz mawn pehz
 nahz, an pehz khahz Ohz nam anz kawp
 pehz awlz an laak laaiz, naeh kawp pehz
²⁷ suamz saakz kaaiz mun. Yak khahz seum
 suamz an caang luh, keuiz daz lo khahz
 seum suamz aez bawnz phawmz cen cen,
 an nam caang lu, an Kuanz Kingz Ihz ngaz
 aez pehz nahz. Kawp daz Paz Phraz a wa
 aez Hnhz nahz a khwaangz.”
²⁸ Keuh kaw maanyz, “Aez ehz cih tawiz
 phawmz Phraz ne ehz ngaz bawnz cih
 naehz?”

²⁹ Yesuhz tawpz daz, “Tawiz phawmz Phraz
 Pen Caoh ne naeh pehz lo yum Tahz an
 Hnhz phuhz truz.”

³⁰ Keuh kaw maanyz Hnhz, “Aez ehz yum
 Mih ne Mih ngaz plaez an laak laaiz naehz?”

³¹ Mih ngaz cih plaez naehz? Ihz keu daehz
 keu daepz ehz keui suamz kaaiz mun
 manna tuhz ruk, naeh ceun taemz mok
 tuhz kyaamz lik daz, ‘Hnhz aez keuh nahz
 kaaiz mun suamz thaz kaang raaoz.’”

³² Yesuhz lao keuh nahz, “Ohz daz mawn
 pehz nahz, an aez pehz nahz seum suamz
 thaz kaang raaoz ne nam anz Moses, keuiz
 daz naeh Paz Ohz aez pehz nahz seum
³³ suamz an caet thaz kaang raaoz. Kawp
 daz seum suamz Phraz Pen Caoh ne naeh
 Tahz an cur truz thaz kaang raaoz rae aez
 phawmz imz tawz ihz prih keu tehz keui
 nahz.”

³⁴ Keuh daz Hnhz nahz, “Sra, aez se se ehz
 nahz seum suamz an diz luz.”

³⁵ Yesuhz daz keuh nahz, “Ohz naeh seum
 suamz phawmz imz. Ihz truz cu Ohz keui
 nam bawnz coh seu pawk, ihz yum Ohz kaw
 nam bawnz coh omz thaengz seu pawk.

³⁶ Keuiz daz ceun Ohz a wa lao pehz ne pehz

³⁷ awlz boh Ohz kaw nam yum Ohz. Ihz an
 Paz aez Ohz nahz hacz aamz keui ngaz
 truz cu Ohz, ihz truz cu Ohz kaw Ohz nam

³⁸ wah thengz seu pawk. Kawp daz an Ohz
 truz thaz kaang raaoz ne nam anz ta cih
 tawiz phawmz Daehz, cih tawiz phawmz

³⁹ Tahz an phuhz Ohz truz. Reung dawhz
 Tahz an phuhz Ohz truz samz ihz an Paz
 aez Ohz nahz ne Ohz nam aez luh sumz
 hawkz hawkz, Ohz ngaz cih aez keuh meu

⁴⁰ rae imz kaa seu ngihz thaz puatz. Beuk
 daz mawn mawn ne reung dawhz Paz Ohz

samz, ihz awlz Kuanz rae yum Hnhz ne bawnz phawmz cen cen. Ohz ngaz cih aez keuh meu rae imz kaai seu ngihz thaz puatz.”

⁴¹ Ihz Yio keui teur saehz teur nae kawp

Yesuhz daz Daehz naeh seum suamz an

⁴² cur truz thaz kaang raaoz. “Hnhz nam anz

Yesuhz, kuanz Yosep haz? Mah paz Hnhz

kaw ehz mas, cih naehz Hnhz caang daz

Daehz truz thaz kaang raaoz a?”

⁴³ Yesuhz tawpz daz, “Yak teur saehz teur

⁴⁴ nae mial daehz. Beuk Paz an phuhz Ohz

truz ne nam cih aez keuh truz cu Ohz kaw

yaeh nam caang truz cu Ohz. Kaai seu

ngihz thaz puatz ne Ohz ngaz cih aez keuh

⁴⁵ meu rae imz. Ceun an taemz mok tuh

kyaamz ihz taangz phraz ne daz, ‘Phraz

Pen Caoh ngaz sawnz keuh klawhz ihz,’

daz ne ihz teuk ngarz mony Paz klawhz ihz

boh sawnz leh tawz Hnhz keui ngaz truz

⁴⁶ cu Ohz. Neuz lak Tahz an truz thaz Paz

ne yaeh nam ti awlz Paz, naeh taw Hnhz

⁴⁷ pan tomz awlz Paz a. Ohz daz mawn pehz

nahz, ihz yum Ohz keui bawnz phawmz

⁴⁸ cen cen. Ohz naeh seum suamz phawmz

⁴⁹ imz. Ihz keu daehz keu daepz pehz keui

suamz kaaiz mun manna tuh ruk kaw yam

⁵⁰ boh leun. Seum suamz an ni cur truz thaz

kaang raaoz, ihz suamz keui nam yam seu

⁵¹ pawk. Ohz naeh seum suamz phawmz imz

an cur truz thaz kaang raaoz. Beuk ihz

suamz seum suamz an ni, hnhz ngaz imz

cen cen. Seum suamz an Ohz ngaz aez

pehz nahz ne naeh maai Ohz, Ohz aez ta

ihz prih keu tehz keui bawnz phawmz imz.”

⁵² Ihz Yio keui seun teungz teur thiangz

daehz daz, “Hnhz ngaz cih seu naez aez

ehz suamz maai Daehz?”

⁵³ Yesuhz lao keuh nahz, “Ohz daz mawn pehz nahz, beuk nam suamz maai Kuanz Kingz Ihz, nam tiangz naamz Kuanz Kingz Ihz kaw tuh pehz nam maang phawmz.

⁵⁴ Ihz suamz maai Ohz boh tiangz naamz

Ohz keui bawnz phawmz cen cen. Kaai seu

ngihz thaz puatz ne Ohz ngaz cih aez keuh

⁵⁵ meu rae imz. Kawp daz maai Ohz naeh

seum suamz an caet, naamz Ohz kaw naeh

⁵⁶ seum tiangz an caet. Ihz suamz maai Ohz

boh tiangz naamz Ohz keui naeh tuh Ohz,

⁵⁷ Ohz kaw naeh tuh keuh. Ceun Paz an

phawmz imz phuhz Ohz truz rae Ohz kaw

imz tawiz Paz ne ihz suamz maai Ohz keui

⁵⁸ kaw ngaz imz tawiz Ohz. An ni naeh seum

suamz an cur truz thaz kaang raaoz. Nam

naeh ceun ihz keu daehz keu daepz pehz

keui suamz kaaiz mun manna rae yam.

Ihz suamz kaaiz mun an ni bawnz imz cen

cen.”

⁵⁹ Hnhz lao lawng an ni meuz Hnhz sawnz

tuhz crawl weng Kapernaum.

Traz phawmz cen cen

⁶⁰ Meuz teu paez tang heungz keui ngarz an

ni ne daz, “Traz an ni kreuk baaiz, yaeh

ngaz tawiz bawnz?”

⁶¹ Yesuhz mas teu paez Daehz keui teur

saehz teur nae daehz lawng an ni ne

daz keuh nahz, “Pehz phawmz luh kawp

⁶² traz an ni haz? Beuk pehz awlz Kuanz

Kingz Ihz raw mial ti Daehz moh aacz an

Hnhz cur truz ne ngaz naeh ceun nae?

⁶³ Khuanz pan caang aez phawmz imz, lomz

naamz ne nam caang aez naehz. Mony

reu ma an Ohz lao pehz ne naeh khuanz

⁶⁴ boh naeh phawmz. Keuz daz ihz teur ka

an naeh tuhز pehz keui nam yum.” An Yesuhz daz ceun diz ne kawp Hnhz mas thaz meuz seun teungz yaeh ngaz nam⁶⁵ yum boh yaeh ngaz saz kokz Daehz. Hnhz kaw lao thaengz, “Ceun Ohz a wa lao pehz ne beuk Paz nam aez a khwaangz kaw yaeh nam caang truz cu Ohz.”

⁶⁶ Kaaanz diz lan teu paez tang heungz keui keun titz mial rae nam lan tawiz Hnhz leui.

⁶⁷ Yesuhz maanz teu paez seu kawlz aarz keui nahz, “Pehz kaw sunz praasz thengz haz?”

⁶⁸ Simon Petros tawpz daz Hnhz nahz, “Tahz, ehz ngaz lan cu yaeh? A mih maang⁶⁹ traz phawmz cen cen. Ehz yum rae mas Mih naeh Tahz Seu Ngamz an truz thaz Phraz Pen Caoh.”

⁷⁰ Yesuhz kaw mial daz, “Nam anz Ohz ras pehz seu kawlz aarz haz? Keuiz daz tuhز⁷¹ pehz ne hawkz naeh Manaat.” Hnhz sunz daz Yudas Iskariot, an naeh kuanz Simon Iskariot. Sangz daz hnhz naeh tuhز seu kawlz aarz kaw kyaam saz kokz Hnhz.

Yesuhz boh seum bohз Hnhz

7 Waaiz an diz Yesuhz wiun tawiz prih Kalile, Hnhz nam sunz wiun tuhз prih Yio kawp daz ihz mawh Yio keui kyaam² piamz Hnhz. Meuz a wa thatz pawiz siungz³ Yio ne seum bohз Hnhz keui daz Hnhz nahz, “Lae thaz a niz rae lan prih Yio, aez teu paez Mih keui awlz an laak laaiz an Mih⁴ cih keui. Ihz sunz cih reu oiz daehz lae ne nam cih naehz unz unz. Beuk Mih cih an laak laaiz keui diz kaw aez ihz prih keui tehз⁵ keui mas Mih.” Kawp daz seum bohз Hnhz kaw nam yum Hnhz.

⁶ Kawp ceun diz Yesuhz daz keuh nahz, “Kraao Ohz maat phraeoz, ta pehz samz

⁷ naeh kraao an saang trohz se se. Ihz tuhз prih keui tehз keui nam caang ceuh pehz, keuiz daz keuh ceuh Ohz kawp daz Ohz krao⁸ plaeh lawng reung cih keuh meukz. Pehz lan pawiz an diz raez, Ohz maat lan. Kawp⁹ daz kraao Ohz maat phraeoz.” Meuz Hnhz daz ceun diz ne Hnhz yeung naeh boh tuhз prih Kalile.

Yesuhz lao keui sangz a wat

¹⁰ Waaiz seum bohз Hnhz keui lan pawiz ne Hnhz nam aez ihz awlz daehz, dawmz¹¹ dawmz lan. Ihz mawh Yio keui khahz Hnhz tuhз pawiz, keuh maanz daz, “Hnhz naeh¹² a naeh?” Tawiz peur lah wungz ihz keui lao teur keui seoz daehz lawng Hnhz daz, “Hnhz naeh ihz rak.” Teur ka kaw mial daz,¹³ “Hnhz naeh ihz kaoz suamz ihz.” Keuiz daz keuh doz ihz mawh Yio rae yaeh nam yaak lao keui sangz.

¹⁴ Meuz kraao pawiz a wa klaeh khinz ne Yesuhz lan cu a wat rae sawnz aez ihz¹⁵ keui nahz. Ihz mawh Yio keui sangz rae maanz, “Ihз an ni nam bawnz sawnz an keui ni, Hnhz cih seu naehz mawz baaiz ez?”

¹⁶ Yesuhz tawpz daz, “Traz an Ohz sawnz ne nam anz traz Ohz, naeh traz Tahz an¹⁷ phuhz Ohz truz. Ihз sunz cih tawiz reung dawhз Phraz Pen Caoh ne hnhz ngaz mas traz keui ni truz thaz Phraz Pen Caoh haz, truz thaz Ohz lao tawiz phawmz Daehz¹⁸ haz? Ihз rawz tawiz phawmz daehz ne naeh ihз cih aez ihз lupz daehz. Ihз cih aez ihз lupz Tahz an phuhz Daehz truz samz naeh ihз lao an anz rae nam maang¹⁹ an kaoz. Moses aez pehz nahz sinz traz nam anz haz? Keuiz daz tuhз pehz ne nam maang yaeh cih tawiz traz. Kawp naehz pehz daz kyaam piamz Ohz a?”

²⁰ Wungz ihz keui tawpz daz, “Mih naeh ihz phiz kut, yaeh kyaam piamz Mih lah?”
²¹ Yesuhz daz keuh nahz, “Ohz cih an laak laaiz seu meoz kaw pehz sangz hacz aamz.
²² Kawp Moses aez pehz nahz traz saetz cawkz hurz kuanz keur meh rae sangz daz maen kaai seu ngihz sinz kaw pehz saetz. Beuk daz mawn mawn ne an diz nam seun teungz meuz kaap Moses, seun teungz thaz meuz ihz keu daehz keu daepz
²³ pehz. Saetz cawkz hurz kuanz keur meh kaai seu ngihz sinz ne nam kawi seu ngihz sinz, kawp Ohz cih aez ihz hawkz moh rak tang toz kaai seu ngihz sinz ne pehz nam
²⁴ lo ca Ohz nahz. Tatz traz yak yawt taw raang, cih phrengz phrengz raez.”

Yesuhz naeh Khriis haz?

²⁵ Meuz phangz an diz ihz weng Yerusalem teur ka keui daz, “Ihz an ni nam anz ihz an ihz mawh Yio keui kyaam piamz ne haz?
²⁶ Yawt, Hnhz a wa rawz yaak yaak kaw keuh paw nam daz naehz. Anz ihz mawh keui
²⁷ mas mawn Hnhz naeh Khriis haz? Keuiz daz ehz mas boh Hnhz an ni truz thaz naez. Meuz Khriis truz ne yaeh nam mas Hnhz ngaz truz thaz naez.”
²⁸ Meuz Yesuhz yeung lao boh a wat ne raak usz usz daz, “Anz pehz mas Ohz? Anz pehz mas tang Ohz truz thaz naez? Ohz truz tawiz phawmz Daehz nam anz. Tahz an phuhz Ohz truz ne naeh Tahz seu taehz
²⁹ seu wa. Pehz nam mas Hnhz. Keuiz daz Ohz mas Hnhz kawp daz Ohz truz thaz Hnhz rae Hnhz phuhz Ohz truz.”
³⁰ Meuz phangz an diz keuh kyaam cawpz Hnhz, keuiz daz yaeh nam leh tihz daehz teu Hnhz, kawp daz kraao Hnhz maat

³¹ phraeoz. Sangz daz naeh ceun diz kaw ihz tang heungz an naeh tuhz wungz ihz keui yum Hnhz, keuh daz, “Meuz Khriis truz ne Hnhz ngaz plaetz an laak laaiz heungz lak ihz an ni haz ez?”

Siukz keui truz cawpz Yesuhz

³² Meuz Pharise keui ngarz wungz ihz lao keu seoz lawng Yesuhz ne beunz caangz boh Pharise keui cao siukz pao wat keui
³³ cawpz leh Yesuhz. Yesuhz daz, “Ohz ngaz naeh kawmz pehz seu co kyehez, beuk a wa kaw Ohz lan cu Tahz an phuhz truz
³⁴ Ohz. Pehz ngaz khahz Ohz, keuiz daz pehz nam awlz Ohz. Ti Ohz naeh kaw pehz nam caang truz cu.”
³⁵ Ihz mawh Yio keui teur daz daehz nahz, “Ihz an ni daz Daehz ngaz lan ti ehz khahz nam awlz ne naeh a naez ez? Hnhz ngaz lan cu tawiz kheuz ehz an moh peur lah kheuz Krik keui rae ngaz sawnz aez kheuz
³⁶ Krik keui nahz haz? Hnhz sunz daz naehz ez, an Hnhz daz, ‘Pehz ngaz khahz Ohz, keuiz daz pehz nam awlz Ohz. Ti Ohz naeh kaw pehz nam caang truz cu.’”

Omz rawng an aez phawmz

³⁷ Kaai seu ngihz pawiz thaz puatz ihz, seu ngihz mawh ne Yesuhz ceng raak usz usz daz, “Beuk maang ihz coh omz kaw
³⁸ aez hnhz truz tiangz tawz Ohz raez. Ihz yum Ohz keui naeh ceun taemz mok tuhz kyaamz lik daz, ‘Ngaz naeh omz rawng phawmz imz an laiz lae truz thaz phawmz
³⁹ hnhz.’” An ni Hnhz sunz lao lawng Khuanz, ihz yum Hnhz keui waaiz an ni ngaz bawnz saanyz rap Khuanz. Phraz Pen Caoh maat

aez Khuanz, kawp daz Phraz Pen Caoh maat aez bunz Yesuhz thaangz.

Ihz keui phawmz nam teur tawiz

⁴⁰ Meuz ihz keui ngarz mony reu ma an ni ne daz, “Hnhz an ni naeh mawn ihz taangz phraz.”

⁴¹ Teur ka kaw daz, “Hnhz naeh Khri.”

Teur ka kaw daz, “Anz Khri paw truz thaz

⁴² prih Kalile? Tuhz kyaamz lik daz, Khri ngaz truz keut tuhz kheuz khunz Dawit,

tuhz weng Betlehem, an naeh weng ca tihz

⁴³ khunz Dawit nam anz haz?” Kawp Yesuhz,

⁴⁴ ihz keui phawmz nam teur tawiz leui. Tuhz

keuh ne teur ka sunz cawpz boh Yesuhz,

keuiz daz yaeh nam leh tihz daehz teu

Hnhz.

Ihz mawh Yio keui nam yum

⁴⁵ Meuz siukz pao wat keui weng phraeo meu rae tawz beunz caangz boh Pharise ne keuh maanyz daz, “Cih naehz pehz nam leh truz Yesuhz a?”

⁴⁶ Siukz an pao keu diz mial daz, “Yaeh nam ti reu ma ceun Hnhz seu pawk.”

⁴⁷ Pharise keui mial daz, “Pehz kaw a wa

⁴⁸ talz kaoz tang daehz haz? Ihz mawh boh

Pharise keui anz maang ihz yum Hnhz teun

⁴⁹ akz? Keuiz daz wungz ihz an nam mas sinz

traz keui naeh ihz talz khaam kin.”

⁵⁰ Tuhz keuh ne maang ihz hawkz, meuz

aacz ne tomz lan cu Yesuhz, mus hnhz daz

⁵¹ Nikodemus, hnhz daz, “Traz ehz ne meuz

maat bawnz caetz naehz, meuz maat mas

reung cih hnhz ne anz caang aez taam haz?”

⁵² Keuh mial daz, “Mih kaw naeh ihz Kalile haz? Yawt tuhz kyaamz lik raez, thaz prih

Kalile nam maang ihz taangz phraz naehz

⁵³ paw truz keuiz.” Keuh kaw teur aacz daehz

weng cu kaang daehz.

Keun nyah kawi kamesuhz

² **8** Yesuhz samz raw kaai rang Olip. Ceun teuk ngup cao kap siz ne Hnhz truz cu

mial a wat, ihz hacz aamz keui kaw teur

aacz daehz truz cu a Hnhz rae Hnhz kaw

³ keu dez sawnz aez keuh nahz. Ihz mawz

kyaamz boh Pharise keui leh keun nyah

hawkz an kawi kamesuhz truz cu Yesuhz,

keuh awlz meuz hnhz yeung cih boh ne.

⁴ Keuh truz mok hnhz teun khinz ihz. Keuh

daz Yesuhz nahz, “Sra, ihz cawpz keun

nyah an ni meuz hnhz yeung cih kawi boh

⁵ kamesuhz. Moses lao mok ehz tuhz kyaamz

sinz daz, leh kawnz reu aangz wiurz piamz

keun nyah ceun ni da. Mih samz daz seu

⁶ naez?” Keuh daz ceun diz ne aez dakz

bawnz mony reu ma, aez daehz caang

maap Hnhz. Keuiz daz Yesuhz samz kuiz,

leh reum haz tihz Daehz taemz kaai keu

tehz.

⁷ Meuz keuh maanyz tikz tikz ne Yesuhz

ceng lao daz keuh nahz, “Aez ihz nam ti

cih pleung keui leh kawnz reu aangz wiurz

⁸ aacz keun nyah an ni raez.” Hnhz kaw mial

⁹ kuiz taemz thaengz kaai keu tehz. Meuz

keuh ngarz ceun diz ne keuh mas daehz

pleung rae mawh taw kyehz lae lan laehz

teun akz, thonz taw kiutz Yesuhz boh keun nyah an ceng boh aacz ngaai Hnhz pan.

¹⁰ Yesuhz kaw ceng maanyz keun nyah daz, “Keun nyah aez, hawz keuh leui? Yaeh nam nae a mih haz?”

¹¹ Keun nyah an diz daz, “Sra, nam maang yaeh nae ohz leui.” Yesuhz kaw daz, “Ohz kaw nam laai, lan raez, yak cih reung dengz kawi thaengz leui.”

An thaangz prih keu teh

¹² Yesuhz kaw lao thaengz ihz nahz, “Ohz naeh an thaangz prih keu teh. Ihz tawiz puatz Ohz keui nam lan tuh z an bimz, ngaz bawnz an thaangz phawmz imz.”

¹³ Pharise keui kaw daz Hnhz nahz, “Mih krai mial lawng Daehz, an Mih krai ne nam tawz.”

¹⁴ Yesuhz tawpz daz, “Sangz daz Ohz krai lawng Daehz kaw Ohz eunz tawz boh, kawp daz Ohz mas Daehz truz thaz naez boh ngaz lan thaz naez. Keuiz daz pehz samz nam mas Ohz truz thaz naez boh Ohz

¹⁵ ngaz lan thaz naez. Pehz tatz traz tawiz reung naeh ihz, Ohz samz nam tatz kaai

¹⁶ yaeh. Sangz daz Ohz tatz traz kaw Ohz eunz tawz boh kawp daz nam anz Ohz taw Daehz. Paz an phuhz Ohz truz ne tatz traz

¹⁷ kawmz Ohz. An taemz mok tuh z kyaamz sinz pehz daz, beuk naeh ihz krai plaez

¹⁸ keu aarz kaw a wa tawz. Ohz krai lawng Daehz, Paz an phuhz Ohz truz kaw krai lawng Ohz.”

¹⁹ Keuh kaw maanyz Hnhz, “Paz Mih naeh a naez?” Yesuhz mial daz, “Pehz nam mas Ohz boh Paz Ohz. Beuk pehz mas Ohz kaw mas boh Paz Ohz.”

²⁰ Meuz Yesuhz lao mony reu ma an ni ne Hnhz naeh a wat, rim ti mok teuk paekz lu keui. Yaeh kaw nam cawpz Hnhz kawp daz kraao Hnhz maat phraeoz.

Pehz nam caang truz cu ti Ohz lan

²¹ Yesuhz kaw daz thaengz keuh nahz, “Ohz ngaz bawnz lan, pehz ngaz khahz Ohz, keuiz daz pehz ngaz bawnz yam tuh z reung dengz kawi daehz. Pehz nam caang truz cu ti Ohz lan.”

²² Ihz mawh Yio keui kaw daz, “Hnhz daz an eh z nam caang lan ti Hnhz lan ne Hnhz ngaz piamz mial toz Daehz haz?”

²³ Hnhz daz lan thaengz, “Pehz naeh tuh z daelz, Ohz truz thaz lang kol. Pehz naeh

²⁴ ihz prih keu teh, Ohz samz nam anz. Ohz a wa lao pehz, pehz ngaz bawnz yam tuh z reung dengz kawi daehz. Beuk pehz nam yum ‘Ohz naeh Tahz ceun Ohz lao,’ kaw pehz ngaz bawnz yam tuh z reung dengz kawi daehz.”

²⁵ Keuh kaw maanyz, “Mih naeh yaeh?” Yesuhz mial daz, “Ohz naeh yaeh ne Ohz

²⁶ a wa lao truz thaz meuz seun teungz. Ohz maang ti lao lawng pehz rae tatz traz a pehz heungz baaiz. Keuiz daz Tahz an phuhz Ohz truz ne naeh Tahz seu taehz seu wa, Ohz lao ihz tuh z prih keu teh an Ohz ngarz tawz Hnhz pan.”

²⁷ Keuh nam loz phawmz Yesuhz lao keuh

²⁸ nahz lawng Paz. Yesuhz kaw daz, “Meuz pehz phrawz Kuanz Kingz Ihz ne pehz ngaz mas Ohz naeh Tahz an diz boh Ohz nam cih naehz tawiz a na Daehz, keuiz daz Ohz lao ceun Paz sawnz aez Ohz nahz.

²⁹ Tahz an phuhz Ohz truz ne naeh kawmz

Ohz, Hnhz nam plawiz thengz aez Ohz naeh taw Daehz kawp daz Ohz cih se se an Hnhz trohz phawmz.”

³⁰ Meuz Hnhz daz ceun diz ne ihz keui yum Hnhz heungz baaiz.

Kuanz Abraham

³¹ Yesuhz lao Yio an yum Daehz keui nahz, “Beuk pehz cih tawiz traz Ohz sawnz kaw
³²pehz naeh mawn teu paez Ohz. Pehz kaw ngaz mas traz an anz, traz an diz ngaz plawiz lawt pehz.”

³³ Keuh tawpz Hnhz nahz, “Ehz naeh kheuz Abraham, ehz nam ti penz peur cao yaeh. Cih naehz Mih caang daz ehz ngaz lawt a?”

³⁴ Yesuhz mial daz, “Ohz daz mawn pehz nahz, ihz cih reung dengz kawi ne naeh
³⁵peur cao reung dengz kawi. Peur cao nam anz ihz kaang, kuanz samz anz se se ihz

³⁶kaang. Kawp ceun diz beuk Kuanz plawiz

³⁷lawt pehz kaw bawnz lawt mawn. Ohz mas pehz naeh kheuz Abraham. Keuiz daz pehz khahz piamz Ohz kawp daz tuh phawmz

³⁸pehz ne nam maang ti ta traz Ohz. Ohz lao pehz nahz an Ohz awlz tawz Paz Ohz, pehz samz cih an pehz ngarz tawz paz pehz.”

³⁹ Keuh tawpz daz, “Abraham naeh paz ehz.” Yesuhz kaw daz, “Beuk pehz naeh mawn kuanz Abraham kaw pehz ngaz cih

⁴⁰ceun Abraham cih. Keuiz daz seu ni pehz kyaam piamz Ohz, Ohz naeh Tahz an kraiplaez pehz nahz traz an anz an ngarz tawz Phraz Pen Caoh. Abraham nam cih ceun

⁴¹diz. Pehz cih tawiz paz daehz cih.” Keuh kaw daz, “Ehz nam anz kuanz keu yaangz, ehz maang Paz taw hawkz an naeh Phraz Pen Caoh.”

Kuanz Manaat

⁴² Yesuhz daz keuh nahz, “Beuk Phraz Pen Caoh naeh Paz pehz kaw pehz ngaz rak Ohz, kawp Ohz truz thaz Hnhz rae seu ni kaw a wa truz naeh a niz. Ohz nam truz tawiz phawmz Daehz. Keuiz daz Hnhz

⁴³phuhz Ohz truz. Cih naehz pehz nam loz phawmz mony Ohz a? Kawp daz pehz nam

⁴⁴teuk ngarz bawnz an Ohz lao. Pehz naeh kuanz paz daehz Manaat rae pehz cih tawiz reung dawhz hnhz. Hnhz naeh tahz piamz ihz thaz meuz seun teungz. Hnhz nam cih tawiz traz an anz kawp daz tuh

hnhz nam maang traz an anz. Hnhz naeh ihz upz kaoz, naeh tang paz an upz kaoz hacz aamz. Meuz hnhz upz kaoz ne daz

⁴⁵boh ceun daehz naeh leun. Kawp Ohz lao

⁴⁶traz an anz rae pehz nam yum Ohz. Tuhz pehz ne yaeh lao bawnz Ohz maang reung dengz kawi? Beuk Ohz daz traz an anz kaw cih naehz pehz samz nam yum Ohz?

⁴⁷Naeh ihz Phraz Pen Caoh kaw mawz teuk ngarz mony Phraz Pen Caoh. Pehz samz nam mawz teuk ngarz kawp daz pehz nam anz ihz Phraz Pen Caoh.”

Yesuhz boh Abraham

⁴⁸ Ihz Yio keui daz Hnhz nahz, “Anz nam kiungz ehz daz Mih naeh ihz Samari boh ihz phiz kut hiuz?”

⁴⁹ Yesuhz daz, “Ohz nam anz ihz phiz kut, keuiz daz Ohz nap suamz Paz Daehz, pehz samz nam nap suamz Ohz. Ohz nam cih aez ihz lupz Daehz, keuiz daz maang Tahz hawkz cih aez ihz keui lupz Ohz rae Hnhz

⁵¹naeh Tahz tatz traz. Ohz daz mawn pehz

nahz, ihz cih tawiz traz Ohz lao ne nam yam seu pawk.”

⁵² Meuz ceun diz ihz Yio keui daz Hnhz nahz, “Seu ni ehz a wa mas Mih naeh ihz phiz kut. Abraham a wa yam, ihz taangz phraz kaw a wa yam. Mih samz yeung daz, ‘Ihz cih tawiz traz Ohz lao ne nam yam seu

⁵³ pawk.’ Mih mawh myaat lak ihz keu daehz keu daepz ehz Abraham hiuz? Hnhz a wa yam, ihz taangz phraz keui kaw a wa yam. Mih samz thaang Daehz naeh yaeh?”

⁵⁴ Yesuhz mial daz, “Beuk Ohz cih aez bunz Daehz thaangz kaw bunz Ohz ne nam khra naehz. Paz Ohz, an pehz daz naeh Phraz

⁵⁵ daehz ne cih aez bunz Ohz thaangz. Pehz nam mas Hnhz. Ohz mas Hnhz eu. Beuk Ohz daz Daehz nam mas Hnhz kaw Ohz naeh ihz kaoz ceun pehz laai. Keuiz daz Ohz mas Hnhz, Ohz cih tawiz mony Hnhz.

⁵⁶ Ihz keu daehz keu daepz pehz Abraham seuz kawp daehz ngaz awlz kraao Ohz truz, meuz hnhz awlz kraao Ohz ne hnhz seuz baaiz.”

⁵⁷ Ihz Yio keui daz Hnhz nahz, “A saak Mih maat tang neuk hanz kawlz lawh, daz Daehz awlz Abraham!”

⁵⁸ Yesuhz tawpz daz, “Ohz daz mawn pehz nahz, Ohz naeh aacz Abraham maat keut.”

⁵⁹ Kawp ceun diz ihz Yio keui seutz kawnz reu aangz kyaam wiurz piamz Yesuhz,

keuiz daz Hnhz wiar thengz rae lae lan thaz teu laangz wat.

Yesuhz seuk neum ihz ngaai bimz awlz

9 Meuz Yesuhz yeung nuar tawiz reung dengz ne Hnhz awlz ihz ngaai bimz ² keut pa hawkz. Teu paez keui maanyz Hnhz, “Tahz Sra, kawp reung dengz kawi yaeh? An hnhz ngaai bimz keut pa ne kawp hnhz haz, kawp mah paz haz?”

³ Yesuhz mial daz, “Nam anz kawp hnhz cih kawi, nam anz tang kawp mah paz keuiz, aez taanz khoz Phraz Pen Caoh mawh kaai ⁴ hnhz ne caang naeh ceun diz. Meuz kraao seuk ngih ne Ohz bawnz cih kaanz Tahz an phuhz Ohz truz. Kraao teuk bimz yaeh nam ⁵ caang cih naehz ne ngaz phraez. Meuz Ohz yeung naeh tuhز prih keu tehز ne Ohz naeh an thaangz ihz prih keu tehز.”

⁶ Waaiz Hnhz daz ceun diz ne Hnhz teuk chuz sapz omz nyaangz kaai keu tehز, cih aez keu tehز nyeuk, thukz aez ngaai ihz ⁷ ngaai bimz. Yesuhz daz ihz ngaai bimz nahz, “Lan, khez tuhز nawngz Siloam tui.” (Siloam loz daz Cao Lan.) Ihz an diz kaw lan khez, ngaai hnhz kaw awlz truz.

⁸ Ihz rim kaang keuh boh ihz an tomz awlz hnhz naeh ihz ngaai bimz yawn ne awlz hnhz rae daz, “Hnhz an ni nam anz ihz

ngaai bimz an tomz keu dez maanyz suamz ne haz?”

⁹ Teur ka daz, “Anz, naeh hnhz eu.” Teur ka kaw daz, “Nam anz, naeh ihz deuz hnhz keuz eu.” Ihz an diz kaw daz daehz, “Ohz naeh luat hnhz.”

¹⁰ Ihz keui kaw maanyz, “Cih seu naez ngaai mih caang awlz hoh?”

¹¹ Hnhz mial daz, “Maang ihz hawkz mus Hnhz daz Yesuhz, Hnhz cih keu tehzyeuk thukz ngaai ohz. Hnhz lao ohz lan khez a omz nawngz Siloam. Meuz ohz lan khez ne a wa awlz.”

¹² Keuh kaw maanyz hnhz, “Ihz an diz naeh a naez?” Hnhz kaw daz, “Ohz nam mas.”

Pharise keui caetz ihz ngaai bimz an awlz truz

¹³ Keuh leh ihz ngaai bimz meuz aacz ne

¹⁴ lan cu Pharise keui. Seu ngihz Yesuhz cih keu tehzyeuk plaakz aez ngaai hnhz ne

¹⁵ naeh kaai seu ngihz sinz. Pharise keui kaw maanyz hnhz cih seu naez awlz truz. Ihz an diz kaw daz, “Hnhz leh keu tehzyeuk thukz ngaai ohz, ohz a wa khez kaw awlz.”

¹⁶ Pharise teur ka daz, “Ihz an diz nam anz truz thaz Phraz Pen Caoh, kawp daz Hnhz nam kaerz seu ngihz sinz.” Keuz daz teur ka samz daz, “Ihz maang reung dengz kawi ne cih seu naez plaerz an laak laaiz meoz ceun ni?” Keuh teur deuz kaw teur phawmz nam teur tawiz daehz.

¹⁷ Pharise keui maanyz thaengz ihz ngaai bimz meuz aacz ne daz, “Mih ngaz daz seu naez kaai ihz plaakz aez ngaai mih awlz?” Ihz an diz mial daz, “Hnhz naeh ihz taangz phraz eu.”

¹⁸ Sangz daz ceun diz kaw ihz mawh Yio keui nam yum ihz ngaai bimz ne a wa awlz truz

¹⁹ rae raak leh mah paz hnhz. Keuh maanyz kaar daz, “An ni anz anz kuanz paarz an pehz daz ngaai bimz keut pa haz? Beuk naeh ceun diz kaw seu ni hnhz cih seu naez awlz truz?”

²⁰ Mah paz keui tawpz daz, “Ehz mas boh hnhz naeh kuanz keur meh aaiz, hnhz naeh

²¹ ihz ngaai bimz keut pa. Keuz daz aaiz nam mas hnhz cih seu naez awlz truz, yaeh plaakz aez ngaai hnhz. Maanyz hnhz raez,

²² hnhz a wa mawh boh, hnhz ngaz lao boh daehz eunz.” An mah paz hnhz daz ceun

diz ne kawp kaar doz ihz mawh Yio, kawp daz ihz mawh Yio keui teur lao mok daehz, ihz an daz Yesuhz naeh Khriis kaw ngaz wah thengz thaz tuhzyeuk rawz traz.

²³ Kawp ceun diz mah paz hnhz daz, “Maanyz hnhz raez, hnhz a wa cahz.”

²⁴ Pharise keui raak kaai aarz laehz tawz ihz ngaai bimz meuz aacz ne daz, “Lupz phrawz Phraz Pen Caoh raez. Ehz mas ihz an diz maang reung dengz kawi.”

²⁵ Hnhz mial daz, “Ohz nam mas Hnhz maang, nam maang reung dengz kawi. An ohz mas seu meoz ne meuz aacz ohz naeh ihz ngaai bimz, seu ni ohz a wa awlz.”

²⁶ Keuh kaw maanyz hnhz, “Hnhz cih seu naez a mih? Hnhz cih seu naez plaakz aez ngaai mih?”

²⁷ Hnhz tawpz daz, “Ohz a wa lao boh pehz nahz kaw pehz nam teuk ngarz. Cih naehz caang daz sunz ngarz thaengz a? Sunz penz tang daehz teu paez Hnhz haz?”

²⁸ Keuh kaw nal hnhz daz, “Mih naeh teu paez an tawiz Hnhz, ehzyeuk samz naeh teu

²⁹ paez Moses. Ehz mas Phraz Pen Caoh upz taw Moses, keuz daz ehzyeuk nam mas Hnhz an ni truz thaz naez?”

³⁰ Ihz an diz tawpz daz, “An ni naeh paw rak seum sangz! Hnhz plaakz aez ngaai

ohz, pehz samz nam mas Hnhz truz thaz
³¹naez. Ehz mas Phraz Pen Caoh nam teuk
 ngarz mony ihz maang reung dengz kawi.
 Hnhz teuk ngarz ihz koz kwaai Daehz boh
³²cih tawiz phawmz Daehz. Thaz meuz seun
 teungz prih keu tehz tae ne yaeh nam ti
 ngarz ihz plaakz aez ihz ngaai bimz keut
³³pa. Beuk ihz an diz nam anz truz thaz
 Phraz Pen Caoh ne Hnhz nam caang cih
 naehz.”
³⁴Keuh mial tawpz ihz an diz nahz, “Mih
 keut truz rae mawh truz tawiz reung
 dengz kawi neuk tang toz kaw ngaz sawnz
 aez ehz nahz hiuz?” Keuh wah thengz hnhz
 thaz cawp rawz traz.

Ngaai khuanz bimz

³⁵Yesuhz ngarz ihz keui wah thengz hnhz,
 meuz khahz awlz hnhz ne daz, “Anz mih
 yum Kuanz Kingz Ihz?”
³⁶Ihz an diz kaw mial daz, “Sra, Hnhz naeh
 yaeh da, aez ohz yum Hnhz ne lao ohz nahz
 luz.”
³⁷Yesuhz daz, “Mih a wa awlz Hnhz, Hnhz
 naeh Tahz an reu ma boh mih seu ni.”
³⁸Ihz an diz kaw daz, “Tahz, ohz yum boh.”
 Hnhz daz ceun diz kaw waiz Hnhz.
³⁹Yesuhz kaw daz, “Ohz truz tuh prih keu
 tehz an ni ta Phraz Pen Caoh tatz traz
 ihz prih keu tehz, ihz ngaai bimz keui ngaz
 awlz, ihz ngaai rak keui ngaz bimz.”
⁴⁰Pharise teur ka an naeh kawmz Yesuhz
 keui maanyz, “Mih daz ehz kaw naeh ihz
 ngaai bimz haz?”
⁴¹Yesuhz daz, “Beuk pehz daz daehz ihz
 ngaai bimz kaw nam kawi, keuz daz pehz
 daz daehz awlz kaw pehz yeung maang
 reung dengz kawi.”

Pung taek ihz damz soz an rak

10 Ohz daz mawn pehz nahz, ihz an
 nam kut tawiz tuhz keu lawrz,
 keuz daz raw tawiz khaehz sraakz khawk
²soz ne naeh peun rah peun conz. Ihz kut
 tawiz keu lawrz ne naeh ihz damz soz
³daehz. Ihz pao keu lawrz kaw lawk aez
 hnhz nahz. Soz keui kaw tang reus Hnhz.
 Hnhz raak leh mus soz daehz rae aacz
⁴lae keuh. Meuz hnhz a wa aacz lae keuh
 ne hnhz aacz lan soz daehz, soz keui kaw
 lan tawiz hnhz kawp daz keuh mas reus
⁵hnhz. Keuz daz keuh nam tawiz ihz aarz
 diz seu pawk. Keuh tiunz lae thaz ihz aarz
 diz kawp daz keuh nam mas reus ihz aarz
 diz.
⁶Sangz daz Yesuhz leh mony pung taek an
 ni lao plaehz keuh nahz kaw keuh nam loz
 phawmz an Hnhz daz daehz nahz.

Yesuhz naeh ihz damz soz an rak

⁷Kawp ceun diz Yesuhz daz thaengz keuh
 nahz, “Ohz daz mawn pehz nahz, Ohz naeh
⁸keu lawrz ta soz kut. Ihz an truz aacz
 Ohz keui naeh peun rah boh peun conz
 hacz aamz, keuz daz soz keui nam teuk
⁹ngarz keuh. Ohz naeh keu lawrz, ihz an kut
 tawiz Ohz keui ngaz bawnz reung dengz
 khyawt. Hnhz ngaz kut kut lae lae rae awlz
¹⁰ti suamz. Peun rah samz truz rah truz
 piamz, truz ya pan. Ohz samz truz aez
 keuh bawnz phawmz, aez phawmz keuh
 neuk.
¹¹Ohz naeh ihz damz soz an rak. Ihz damz
 soz an rak ne khaam cunz phawmz daehz
¹²ta soz keui nahz. Ihz suamz caangz khaenz
 samz nam anz tahz soz. Meuz hnhz awlz

sohz prawk truz ne mok thengz soz rae tiunz thengz. Meuz ceun diz sohz prawk keui kak leh soz rae cih teuk praasz wungz
¹³soz. Ihz suamz caangz tiunz thengz ne kawp daz hnhz naeh ihz suamz caangz
¹⁴rae nam yawt soz. Ohz naeh ihz damz soz an rak. Ceun Paz mas Ohz ne Ohz kaw mas Paz, Ohz kaw mas soz Daehz rae
¹⁵soz keui kaw mas Ohz. Ohz khaam cunz
¹⁶phawmz Daehz ta soz keui nahz. Aarz diz kaw maang soz Ohz, nam naeh kawmz tuh wungz an ni. Ohz ngaz leh keuh truz. Keuh kaw mawz teuk ngarz mony Ohz rae ngaz naeh wungz kawmz boh ihz damz hawkz kawmz.

¹⁷ Paz rak Ohz kawp daz Ohz khaam cunz phawmz Daehz, leh mial phawmz Daehz.
¹⁸Yaeh nam caang leh bawnz phawmz tawz Ohz, Ohz cunz phawmz Daehz tawiz lomz Daehz. Ohz maang a na cunz phawmz Daehz boh a na leh mial phawmz Daehz. Ohz bawnz a na a Paz Daehz.”
¹⁹ Kawp mony reu ma an diz, Yio keui
²⁰phawmz nam teur tawiz. Ihz daz raamz heungz, “Hnhz naeh ihz phiz kut, a wa reu waet. Cih naehz teuk ngarz Hnhz a?”
²¹ Teur ka kaw daz, “Nam anz mony reu ma ihz phiz kut. Phiz anz caang plaakz aez ihz ngaai bimz keui awlz haz?”

Ihz keui nam saanyz rap Yesuhz

²² Meuz diz maang pawiz teuk seuk ngamz wat khopz wit tuh weng Yerusalem. An
²³diz maen kaai kiarz katz. Yesuhz kaw naeh
²⁴a wat, nuar boh crawp khunz Solomon. Ihz Yio keui truz teur cuhz wit wit Hnhz rae maanyz Hnhz, “Mih ngaz cih aez phawmz ehz thaang pleung thanz teur nae? Beuk

Mih naeh Khris kaw lao ehz nahz keu sangz keu sangz raez.”

²⁵ Yesuhz tawpz daz, “Ohz a wa lao pehz nahz, keuz daz pehz nam yum. An laak laaiz an Ohz cih tawiz a khwaangz Paz kaw
²⁶naeh saak se Ohz. Keuz daz pehz nam yum, kawp daz pehz nam anz soz Ohz.
²⁷Soz Ohz keui teuk ngarz reus Ohz, Ohz
²⁸mas keuh, keuh kaw lan tawiz Ohz. Ohz aez keuh nahz phawmz cen cen, keuh ngaz nam luh sumz seu pawk. Yaeh nam rimz
²⁹leh bawnz keuh tuh tihz Ohz. Paz Ohz an aapz aez Ohz nahz keuh ne mawh lak klawhz ceu klawhz meoz. Yaeh nam rimz
³⁰leh bawnz keuh tuh tihz Paz. Ohz boh Paz naeh hawkz kawmz.”

³¹ Meuz phangz an diz Yio keui mial seutz kawnz reu aangz kyaam wiurz piamz Hnhz
³²boh. Keuz daz Yesuhz daz keuh nahz, “Ohz cih plaehz pehz nahz kaanz an laak laaiz tawiz a khwaangz Paz. Kawp an nae rae pehz ngaz leh kawnz reu aangz wiurz piamz Ohz a?”

³³ Yio keui mial daz, “Nam anz kawp cih an rak rae ngaz leh kawnz reu aangz wiurz piamz, kawp Mih upz pleung Phraz eu, Mih naeh boh ihz ya ya kaw daz Daehz naeh Phraz.”

³⁴ Yesuhz tawpz daz keuh nahz, “Taemz mok tuh kyaamz lik pehz daz, Phraz Pen
³⁵Caoh daz, ‘Pehz naeh phraz.’ Ehz mas traz tuh kyaamz lik naeh an anz se se, Phraz Pen Caoh daz, ihz an bawnz mok mony reu
³⁶ma Phraz keui bawnz raak keuh phraz. Paz ras Ohz rae phuhz Ohz truz tuh prih keu teh. Kawp ceun diz Ohz daz Daehz naeh Kuanz Phraz ne kawp naehz pehz daz Ohz
³⁷upz pleung Phraz. Beuk Ohz nam cih an laak laaiz Paz Ohz kaw pehz yak yum Ohz.

³⁸Keuiz daz beuk Ohz cih ne sangz daz pehz nam yum Ohz kaw yum an laak laaiz an Ohz cih raez. Beuk pehz yum ceun diz kaw pehz mas rae loz phawmz Paz naeh tuh Ohz, Ohz kaw naeh tuh Paz.”

³⁹Keuh kaw kyaam cawpz thaengz Hnhz, keuiz daz Hnhz dawmz dawmz lae thaz a keuh.

⁴⁰Yesuhz kaw lo lan thaz tui omz Yordan ti an Yohn seun teungz aez teuk sruz,

⁴¹Hnhz thangz a diz. Ihz keui heungz baaiz truz cu Hnhz. Keuh daz, “Sangz daz Yohn nam plaesz an laak laaiz naehz kaw ceun Yohn lao lawng Hnhz ne anz tawiz

⁴²klawhz meoz.” Ihz a diz heungz baaiz yum Yesuhz.

Lasarus yam

11 Laehz an diz maang ihz hawkz, mus hnhz daz Lasarus ne reum, hnhz moh pruh Bethani, moh kawmz mai hnhz Mari boh Martha. Mari an diz naeh keun nyah thawkz aez Tahz nahz nam man hawm rae leh hukz kingz daehz watz aez cawng Hnhz, naeh mai Lasarus an reum.

³Kawp ceun diz kuanz mai kaar diz cao ihz lan lao Yesuhz daz, “Tahz, ihz an Mih rak ne reum.”

⁴Meuz Yesuhz ngarz lawng an diz ne daz, “An hnhz reum ne nam phraeoz ti yam naeh ta bunz Phraz Pen Caoh thaangz. An ni ngaz cih aez bunz Kuanz Phraz Pen Caoh thaangz.”

⁵Yesuhz rak Martha, Mari boh Lasarus.

⁶Meuz Hnhz ngarz Lasarus reum ne Hnhz yeung moh boh ti Daehz moh ne thaengz

⁷aarz seu ngihz. Waaiz an diz Hnhz lao teu paez Daehz keui nahz, “Han! Eh lan

⁸mial prih Yio lah.” Teu paez keui kaw daz, “Tahz sra, Yio keui leh kawnz reu aangz kyaam wiurz piamz Mih maat paw ceu nawhz lawh, caang daz sunz lan mial a diz?”

⁹Yesuhz tawpz daz, “Kraao seuk ngih naeh seu kawlz aarz na ri nam anz haz? Beuk ihz nuar lan meuz seuk ngih ne nam keun doz kawp daz hnhz awlz an thaangz

¹⁰prih keu teh. Beuk ihz nuar lan teuk bimz caang keun doz kawp daz hnhz nam maang

¹¹an thaangz.” Waaiz Hnhz daz ceun diz ne Hnhz siupz daz thaengz keuh nahz, “Kuanz boh ehz Lasarus a wa yaetz reuk ngeut, keuiz daz Ohz ngaz lan peun rawi hnhz.”

¹²Teu paez keui mial daz Hnhz nahz, “Tahz, beuk hnhz yaetz reuk ngeut kaw rak truz boh keuiz eu.”

¹³Yesuhz sunz daz hnhz yam, keuiz daz teu paez keui samz thaang lao hnhz yaetz reuk

¹⁴ngeut. Hnhz kaw lao keuh nahz keu sangz,

¹⁵“Lasarus a wa yam, aez pehz yum ne Ohz seuz phawmz ta a keoz pehz an Ohz nam naeh a diz. Han! Ehz teur aacz daehz lan cu hnhz lah.”

¹⁶Thomas an raak daz Didimus, an loz daz kuanz teuk praas kaw daz teu paez teur deuz keui nahz, “Han! Eh lan yam tawiz Yesuhz.”

Yesuhz naeh reung dengz meu rae imz boh reung dengz phawmz imz

¹⁷Meuz Yesuhz phraeoz ne Hnhz mas ihz saangz keo Lasarus tuh peun lu, a wa

¹⁸bawnz ponz seu ngihz. Pruh Bethani boh weng Yerusalem teur yaan seu aarz lakz.

¹⁹Yio keui heungz baaiz truz peuk klakz

phawmz Martha boh Mari, kawp daz seum boh kaar yam.

²⁰ Meuz Martha ngarz Yesuhz truz ne lae lan saanyz Hnhz. Mari samz keu dez tuh

²¹kaang. Martha daz Yesuhz nahz, “Tahz,

khanz Mih naeh a niz, seum boh ohz nam

²²yam keuz. Sangz daz seu ni kaw ohz mas boh Phraz Pen Caoh ngaz aez Mih nahz seu mih maanyz.”

²³ Yesuhz daz hnhz nahz, “seum boh mih ngaz rawi imz mial boh.”

²⁴ Martha tawpz daz, “Ohz mas boh kaai seu ngihz thaz puatz, kraao meu rae imz

²⁵tui hnhz ngaz rawi imz boh.” Yesuhz daz

hnhz nahz, “Ohz naeh reung dengz meu

rae imz boh reung dengz phawmz imz. Ihz

yum Ohz keui sangz daz a wa yam kaw

²⁶ngaz imz mial. Ihz an yeung imz rae yum

Ohz klawhz ihz keui nam yam seu pawk.

Anz mih yum an ni?”

²⁷ Martha daz Hnhz nahz, “Tahz, ohz yum

boh, ohz yum daz Mih naeh Khris, Kuanz

Phraz Pen Caoh, an truz cu prih keu tehz.”

Yesuhz omz ngaai

²⁸ Waaiz Martha daz ceun diz ne hnhz weng

raak seum boh daehz Mari, rah rah lao

daz, “Tahz sra naeh a niz keuz, Hnhz

²⁹raak mih.” Meuz Mari ngarz mony reu ma

³⁰an diz ne rip ceng lan cu Yesuhz. Yesuhz

samz maat kut tuh pruh, yeung naeh boh

³¹ti Martha truz saanyz Hnhz leun. Yio an

teun roz Mari tuh kaang keui peuk klakz

phawmz hnhz, keuh awlz Mari rip ceng lae

lan, keuh thaang Mari lan cu peun lu tui

rae yaam a diz, keuh kaw lan tawiz hnhz.

³² Meuz Mari phraez ti Yesuhz naeh ne

awlz Yesuhz, seuk deumz rim cawng Hnhz

rae daz, “Tahz, khanz Mih naeh a niz, seum boh ohz nam yam keuz.”

³³ Meuz Yesuhz awlz Mari boh Yio an truz tawiz Mari keui yaam ne tuh Khuanz Hnhz

lengz lengz baaiz rae phawmz nam rak.

³⁴Hnhz maanyz, “Pehz saangz keo hnhz a

naez?” Keuh mial daz, “Tahz, truz yawt

³⁶raez.” Yesuhz kaw yaam. Yio keui daz,

“Yawt, Hnhz rak Lasarus thanz teur diz!”

³⁷Keuz daz ihz teur ka an naeh tuh keuh

daz, “Ihz caang cih aez ihz ngaai bimz

awlz ne cih yak aez Lasarus yak yam kaw

nam penz bawnz haz?”

Yesuhz cih aez Lasarus meu rae imz

³⁸ Yesuhz kaw lengz lengz baaiz, truz cu

peun lu. Peun lu an diz naeh peun lu tham,

³⁹leh reu aangz bitz tuh. Hnhz lao keuh,

“Kling reu aangz raez.” Keuz daz Martha,

an naeh mai ihz yam ne daz, “Tahz, hnhz

yam a wa bawnz ponz seu ngihz, seu ni a

wa uiz kheumz.”

⁴⁰ Yesuhz kaw daz, “Anz Ohz nam lao boh

mih nahz haz? Beuk mih yum kaw ngaz

⁴¹bawnz awlz bunz Phraz Pen Caoh.” Keuh

kling reu aangz. Yesuhz kaw ngaw yawt

rae daz, “Oz Paz, kez cuz mawh baaiz

⁴²kawp Mih teuk ngarz mony Ohz. Ohz mas

Mih teuk ngarz se se Ohz eunz. An Ohz

daz ceun ni ne aez maen ihz an ceng boh

a niz keui yum an Mih phuhz Ohz truz.”

⁴³Waaiz Hnhz a wa daz ceun diz ne, Hnhz

raak reus usz usz daz, “Lasarus, lae truz

⁴⁴raez.” Ihz a wa yam kaw lae truz, kaai

tihz cawng hnhz yeung wian boh banz, kaai

ngaai hnhz kaw yeung reupz boh pahz cet.

Yesuhz daz keuh nahz, “Khawz aez hnhz

eunz rae plawiz hnhz lan raez.”

Ihz kyaam piamz Yesuhz

(Matthe 26:1-5, Markus 14:1-2, Lukas 22:1-2)

⁴⁵ Kawp ceun diz Yio heungz baaiz an truz naeh kawmz Mari keui awlz an Yesuhz cih

⁴⁶ rae yum truz Hnhz. Keuiz daz teur ka samz lan cu Pharise rae lao plaez keuh nahz

⁴⁷ lawng Yesuhz cih. Meuz ceun diz beunz caangz boh Pharise keui teur cuhz teur lao tang ihz mawh rumz. Keuh teur daz daehz nahz, “Ehz ngaz cih seu naez? Hnhz an ni

⁴⁸ cih plaez an laak laaiz heungz baaiz. Beuk ehz plawiz mok Hnhz cih ceun diz kaw ihz hacz aamz keui ngaz yum Hnhz. Siukz Rom keui ngaz truz ya wat ehz boh ya kheuz ehz.”

⁴⁹ Keuiz daz tuhz keuh ne maang hawkz, mus hnhz daz Kaiaphas, hnhz naeh ceu beunz kaai wit an diz. Hnhz daz, “Pehz

⁵⁰ nam mas naehz. Pehz nam wonz maen haz? Ihz hawkz yam taangz ihz hacz aamz ne baaiz rak lak ihz hacz aamz yam nam

⁵¹ anz haz?” Mony reu ma an diz nam anz hnhz daz leh daehz. Kawp daz hnhz naeh ceu beunz kaai wit an diz rae lao tak daz

⁵² Yesuhz ngaz yam ta kheuz Yio keui nahz. Nam kaz taw kheuz Yio keui pan, pa tang kuanz Phraz an moh beuz boh klawhz ti keui aez teur cuhz daehz aez naeh hawkz kawmz.

⁵³ Kawp ceun diz tae leh seu ngihz an diz ihz mawh Yio keui teur lao daehz kyaam

⁵⁴ piamz Yesuhz. Kawp ceun diz Yesuhz nam sunz aez ihz mas Daehz lan peur lah kheuz Yio. Lae lan thaz a diz Hnhz lan weng Ephraim an thatz ruk rae moh kawmz teu paez Daehz a diz.

⁵⁵ Meuz a wa thatz pawiz lawt phez Yio ne ihz keui heungz baaiz an moh pruh nawk keui lan cu weng Yerusalem, ta cih aez daehz seu ngamz aacz pawiz lawt phez.

⁵⁶ Keuh khahz Yesuhz, meuz keuh yeung ceng a wat ne teur maanyz daehz daz, “Pehz thaang ceun nae? Hnhz ngaz nam

⁵⁷ truz a pawiz ne leui haz?” Keuiz daz beunz caangz boh Pharise keui lao mok ihz daz, ihz mas ti moh Yesuhz keui aez lao plaez daehz nahz aez daehz caang cawpz Yesuhz.

Mari leh nam man hawm thawkz cawng Yesuhz

(Matthe 26:6-13, Markus 14:3-9)

12 Meuz aacz pawiz lawt phez tualz seu ngihz ne Yesuhz phraeoz a pruh Bethani, ti moh Lasarus, an Yesuhz

² cih aez meu rae imz thaz yam. A diz keuh raenz aez Yesuhz nahz seum suamz teuk borz, Martha samz cih damz. Lasarus kaw keu dez kawmz ihz boh Yesuhz a pheunz

³ ne. Meuz diz Mari leh nam man hawm naam sa caet caet namz nakz seu saam khantz, an langz mawh baaiz ne thawkz aez cawng Yesuhz, leh hukz daehz watz aez.

⁴ Hawtz hawm an diz to tang kaang. Keuiz daz teu paez Yesuhz hawkz mus hnhz daz Yudas Iskariot, an naeh kuanz Simon, an

⁵ ngaz saz kokz Hnhz ne daz, “Cih naehz lah, nam saz nam man hawm an ni paekz ron seu waiz peur ya rae aez ihz phaanz keui

⁶ nahz a?” An hnhz daz ceun diz ne kawp hnhz teur yawng ihz phaanz nam anz, hnhz naeh peun rah, hnhz naeh ihz tawnz seu kiz paekz rae kai rah leh daehz nahz paekz.

⁷ Yesuhz mial daz, “Teungz mah hnhz raez, hnhz a wa leh mok nam man hawm an ni ta
⁸ seu ngihz saangz keo toz Ohz. Ihz phaanz keui naeh kawmz pehz se se, Ohz samz nam naeh kawmz pehz se se.”

Ihz kyaam piamz Lasarus

⁹ Yio wungz mawh keui ngarz Yesuhz naeh a diz rae keuh lae truz yawt, nam anz kawp Yesuhz pan, aez daehz awlz pa tang Lasarus an Yesuhz cih aez meu rae imz
¹⁰ thaz yam. Kawp reung naeh Lasarus ne Yio keui praasz thengz beunz caangz keui
¹¹ rae yum Yesuhz heungz baaiz. Kawp ceun diz beunz caangz keui kyaam piamz tang Lasarus.

Yesuhz kut tuhز weng Yerusalem

(Matthe 21:1-11, Markus 11:1-11, Lukas 19:28-40)

¹² Moh thaengz seu seu ngihz wungz ihz mawh an truz pawiz keui ngarz Yesuhz
¹³ ngaz kut truz tuhز weng Yerusalem. Keuh leh kaakz ko kah lae lan saanyz Hnhz, raak daz, “Hosanna! Tahz an truz tawiz mus Phraz Cen Cen ne naeh an rak! Khunz Israel naeh an rak.”
¹⁴ Yesuhz awlz mahz liz kyehz rae tumz, naeh ceun taemz mok tuhز kyaamz lik ne
¹⁵ daz, “Ihz weng Yerusalem keui aez, yak doz, yawt, Khunz mih tumz truz meu rang mahz liz trawlz trawlz.”
¹⁶ Meuz ceun diz teu paez keui nam loz phawmz lawng an ni. Keuiz daz meuz bunz Yesuhz a wa thaangz ne keuh tang an kyaamz lik taemz mok lawng Hnhz boh lawng ihz keui cih kaai Hnhz.

¹⁷ Wungz ihz an naeh kawmz meuz Hnhz raak leh Lasarus meu rae imz thaz peun lu
¹⁸ ne teur aacz daehz krai lawng an diz. Kawp daz ihz keui ngarz Hnhz plaiez an laak laaiz an diz rae lae saanyz Hnhz.

¹⁹ Pharise keui teur daz daehz nahz, “Yawt, ehz nam caang cih naehz leui. Ihz tang prih keu tehز keui a wa tawiz Hnhz!”

Kheuz Krik teur ka khahz Yesuhz

²⁰ Ihz an truz koz kwaai tawz pawiz ne
²¹ pa tang kheuz Krik teur ka. Keuh truz cu Philip, ihz weng Betsaida tuhز prih Kalile rae daz, “Sra, ehz sunz awlz Yesuhz.”

²² Philip lan lao Andre, kaar kaw lan lao
²³ Yesuhz. Yesuhz mial daz, “Kraao an bunz Kuanz Kingz Ihz thaangz ne a wa phraeoz.

²⁴ Ohz daz mawn pehz nahz, cakz ngohz klaiez tuhز keu tehز ne beuk nam luh kaw naeh taw hawkz pan. Keuiz daz meuz

²⁵ hnhz luh ne plaehz truz heungz baaiz. Ihz rak phawmz daehz ne ngaz luh, ihz ceuh phawmz daehz tuhز prih keu tehز an ni ne naeh ihz khraenz bawnz phawmz cen cen

²⁶ ta daehz. Ihz an cih kaanz Ohz keui bawnz tawiz Ohz. Ohz naeh a naez kaw peur cao Ohz naeh a diz. Paz Ohz ngaz lupz ihz cih kaanz Ohz.

Yesuhz lao teuk aacz an Daehz ngaz yam

²⁷ Seu ni Ohz khiz phawmz, Ohz ngaz daz ceun nae? ‘Oz, Paz, khyawt Ohz thaz kraao an ni lah’ Ohz ngaz daz ceun ni haz ez? Nam anz ceun diz keuiz, kawp kaanz an

²⁸ ni rae Ohz phraeoz kraao an ni. Paz, aez bunz Mih thaangz se kamz.” Meuz ceun diz maang reus truz thaz kaang raaoz daz,

“Ohz a wa cih aez bunz thaangz, Ohz ngaz cih aez thaangz thaengz.”

²⁹ Wungz ihz an ceng boh a diz keui ngarz reus an diz rae teur ka daz naeh reus teuk keurz. Teur ka kaw daz naeh teu maan kaang raaoz reu ma taw Hnhz.

³⁰ Yesuhz daz, “Reus an diz nam anz ta Ohz,

³¹ naeh ta pehz. Seu ni naeh kraao tatz traz kaai prih keu tehz. Satan an naeh khunz upz prih keu tehz ne ngaz talz wah thengz.

³² Meuz Ohz talz leh phrawz thaz prih keu

tehz kaw ngaz tiut ihz hacz aamz truz cu

³³ Ohz.” An Hnhz daz ceun diz ne lao phaet plaetz Daehz ngaz bawnz yam ceun nae.

³⁴ Wungz ihz keui daz, “Ehz tomz ngarz tuh z kyaamz lik daz Khri s ngaz imz cen cen. Cih naehz Mih samz daz Kuanz Kingz Ihz ne ngaz talz leh phrawz a? Kuanz Kingz Ihz ne naeh yaeh?”

³⁵ Yesuhz kaw lao keuh nahz, “An thaangz naeh kawmz pehz thaengz seu co pan.

Pehz lo lan lo weng meuz an thaangz yeung

naeh, yak aez an bimz reupz daehz. Ihz

nuar tuh z an bimz keui nam mas daehz lan

³⁶ thaz naez. Meuz an thaangz yeung naeh

ne yum an thaangz raez, beuk cih ceun diz

pehz ngaz penz kuanz an thaangz.” Waaiz

Hnhz a wa lao ceun diz ne lae lan thaz keuh

rae lan ti seun tapz keuh.

Yio keui nam yum

³⁷ Sangz daz Yesuhz a wa cih an laak laaiz heungz thaanz teur diz aacz ngaai keuh

³⁸ kaw keuh nam yum Hnhz. An ni aez keunyz

ceun mony reu ma ihz taangz phraz Isaiah

lao mok daz, “Phraz Cen Cen, yaeh ngaz

yum traz eh z rawz, taanz khoz Phraz Cen

³⁹ Cen samz ngaz plaetz yaeh nahz?” Kawp ceun diz rae keuh nam yum, kawp Isaiah

⁴⁰ lao mok thaengz daz, “Hnhz cih aez ngaai

keuh bimz, cih aez kingz keu nuasz keuh

tanz, an Hnhz cih ceun diz ne aez ngaai

keuh nam awlz, aez kingz keu nuasz keuh

nam loz, aez Ohz cih aez keuh moh rak ne

keuh nam plaak plaii truz cu Ohz.”

⁴¹ An Isaiah daz mok ceun ni ne kawp

hnhz awlz bunz Yesuhz rae daz mok lawng

Hnhz.

⁴² Sangz daz ceun diz kaw ihz mawh Yio keui

kaw yum Hnhz heungz baai z. Keuiz daz

keuh doz Pharise keui wah thengz daehz

thaz crawp rawz traz rae nam yaak lao

⁴³ daehz yum. Kawp keuh dawhz ihz lupz

daehz leuz lak Phraz lupz daehz.

Yesuhz truz khyawt ihz

⁴⁴ Yesuhz kaw raak daz, “Ihz yum Ohz keui

nam anz yum taw Ohz, yum tang Tahz an

⁴⁵ puhz Ohz truz. Ihz an awlz Ohz keui awlz

⁴⁶ tang Tahz an puhz Ohz truz. Ohz truz

tuh z prih keu tehz naeh ceun an thaangz,

aez ihz an yum Ohz keui nam bawnz moh

⁴⁷ tuh z an bimz. Ihz ngarz boh mony Ohz nam

cih tawiz ne Ohz nam tatz traz a keuh.

Kawp daz Ohz nam truz tatz traz ihz prih

keu tehz, keuiz daz aez keuh bawnz reung

⁴⁸ dengz khyawt. Kaai ihz nam saanyz Ohz

boh nam cih tawiz mony Ohz ne talz tatz

traz. Mony reu ma an Ohz lao keuiz kaw

ngaz aez keuh nahz taam kaai seu ngihz

⁴⁹ thaz puatz dutz. Kawp daz Ohz lao tawiz a

na Daehz nam anz, Paz an puhz Ohz truz

ne lao Ohz nahz Ohz ngaz daz naehz boh

⁵⁰ daz ceun nae. Ohz mas an sinz traz Hnhz

ne aez bawnz phawmz cen cen. Ka maang an Ohz lao ne Ohz lao tawiz ceun Paz lao Ohz nahz.”

Yesuhz khez cawng teu pæz daehz

13 Meuz maat phraez seu ngihz pawiz lawt phez ne Yesuhz mas kraao Daehz praasz prih keu tehz rae bawnz weng cu Paz ne a wa phraez. Hnhz rak ihz Daehz tuh prih keu tehz, Hnhz rak keuh thonz dutz.

² Manaat sapz mok a kyaam tuh phawmz Yudas Iskariot, an naeh kuanz Simon nahz, aez hnhz saz kokz Yesuhz. Meuz

³ suamz seum suamz teuk borz ne, Yesuhz mas Paz Daehz aez klawhz ceu klawhz meoz tuh tihz Daehz, mas tang Daehz truz thaz Phraz Pen Caoh rae ngaz bawnz

⁴ weng cu mial Hnhz. Yesuhz ceng lae thaz pheunz rae pucz cung cui Daehz, leh seum

⁵ weutz reut peur ngeun Daehz rae leh tang omz thawkz sapz tuh sroz longz, khez aez cawng teu pæz Daehz, samz leh seum weutz an reut mok peur ngeun, watz

⁶ teuk hawngz cawng keuh. Meuz Yesuhz phraez Simon Petros ne Petros daz Hnhz nahz, “Tahz, ngaz khez aez cawng ohz haz?”

⁷ Yesuhz mial daz, “Seu ni mih maat loz phawmz an Ohz cih, keuz daz waaiz an ni ngaz loz boh.”

⁸ Petros daz, “Peuk naeh kaw yak khez aez cawng ohz.” Yesuhz tawpz daz, “Beuk Ohz

nam bawnz khez mih kaw mih nam anz teu pæz Ohz keuz.”

⁹ Petros mial daz, “Tahz, yak khez taw cawng ohz pan, khez tang tihz tang kingz

¹⁰ ohz!” Yesuhz tawpz daz, “Ihz a wa humz omz ne seu ngamz tang toz rae lo khez taw

cawng pan. Pehz a wa seu ngamz tang toz, ¹¹ keuz daz nam anz klawhz ihz.” Kawp daz

Hnhz mas ihz ngaz saz kokz Daehz rae daz, “Pehz a wa seu ngamz, keuz daz nam anz

klawhz ihz.”

¹² Waaiz Hnhz a wa khez aez cawng keuh ne kap mial cung cui Daehz rae keu dez

mial ti Daehz. Hnhz maanyz keuh, “Anz pehz loz phawmz an Ohz cih pehz nahz?

¹³ Pehz raak Ohz, ‘Sra boh Tahz,’ kaw anz ¹⁴ boh, Ohz kaw naeh ceun diz. Ohz naeh boh

Tahz pehz, Sra pehz kaw khez aez cawng pehz, pehz teur deuiz kaw lo teur khez

¹⁵ aez cawng daehz. Ohz cih plaéz pehz nahz pung taek an ni aez pehz cih tawiz ceun

¹⁶ Ohz cih kaai pehz. Ohz daz mawn pehz nahz, kuanz leng mawh nam taan tahz paz

leng daehz, peur cao kaw mawh nam taan ¹⁷ tahz an cao daehz. Seu ni pehz a wa mas an

ni, beuk pehz cih tawiz ceun diz kaw bawnz an rak.

¹⁸ Ohz nam daz pehz klawhz ihz nahz, Ohz mas ihz an Daehz ras. Keuz daz aez

keunyz ceun tuh kyaamz lik naeh mok daz, ‘Ihz suamz kawmz seum suamz Ohz

ne leh keun dolz cawng teuk ngaeh cih ¹⁹ khatz Ohz.’ Seu ni Ohz lao aacz pehz nahz,

meuz penz truz ne aez pehz ngaz yum

²⁰ daz, Ohz naeh Tahz ceun Ohz lao. Ohz daz mawn pehz nahz, ihz saanyz rap ihz an Ohz phuhz truz ne saanyz rap Ohz, ihz saanyz rap Ohz kaw saanyz rap Tahz an phuhz Ohz truz.”

**Yesuhz lao teuk aacz
ihz ngaz saz kokz Daehz**

*(Matthe 26:20-25, Markus
14:17-21, Lukas 22:21-23)*

²¹ Waaiz Hnhz daz ceun diz ne Hnhz khiz phawmz. Hnhz lao keuh nahz, “Ohz daz mawn pehz nahz, tuhز pehz ne maang hawkz ngaz saz kokz Ohz.”

²² Teu paez keui kaw teur yawt daehz, kawp daz keuh kuangz tawiz an Hnhz daz naeh ²³yaeh. Maang teu paez hawkz an Yesuhz ²⁴rak ne keu dez ceuk naeng Hnhz. Simon Petros seuk no hnhz aez hnhz maanyz Yesuhz sunz daz yaeh.

²⁵ Teu paez an keu dez ceuk naeng Yesuhz kaw maanyz, “Tahz, naeh yaeh hoh?”

²⁶ Yesuhz tawpz daz, “Naeh ihz an Ohz ngaz nyuh aez kaaiz mun seu mony tuhز sroz.” Hnhz kaw nyuh aez kaaiz mun seu mony rae aez Yudas, an naeh kuanz Simon

²⁷ Iskariot nahz. Waaiz Yudas a wa suamz kaaiz mun ne Satan kut tuhز hnhz. Yesuhz daz hnhz nahz, “Cih rip rip an mih ngaz cih ²⁸raez.” Keuiz daz tuhز keuh an suamz seum suamz a pheunz keui nam maang yaeh mas kawp naehz Yesuhz daz hnhz nahz ceun

²⁹ diz. Yudas naeh ihz tawnz seu kiz paekz rae teur ka thaang Yesuhz lao hnhz yal phrihz phrahz an keuh lo tuhز pawiz, nam anz kaw thaang lao hnhz aez ihz phaanz keui nahz seu ceu seu meoz.

³⁰ Waaiz Yudas a wa suamz kaaiz mun kaw lae lan luat, meuz diz naeh teuk bimz.

Sinz traz teun mehz

³¹ Waaiz Yudas lae lan ne Yesuhz daz, “Seu ni bunz Kuanz Kingz Ihz ne ngaz thaangz,

³² bunz Paz kaw thaangz kawp Hnhz. Beuk bunz Phraz Pen Caoh thaangz kawp Kuanz Kingz Ihz kaw Phraz Pen Caoh ngaz cih aez bunz Kuanz Kingz Ihz thaangz tuhز Daehz, cih aez bunz Kuanz Kingz Ihz thaangz luat.

³³ Kuanz Ohz keui aez, Ohz ngaz naeh kawmz pehz seu co kyehz pan. Pehz ngaz khahz Ohz. Ceun Ohz lao ihz mawh Yio keui nahz, ti Ohz lan tui pehz nam phraez bawnz daz

³⁴ ne seu ni Ohz lao pehz nahz boh. Ohz aez pehz nahz sinz traz teun mehz, pehz teur deuiz teur rak daehz raez. Ceun Ohz rak ³⁵pehz ne pehz kaw lo teur rak daehz. Beuk pehz teur rak daehz kaw ihz hacz aamz keui ngaz mas pehz naeh teu paez Ohz.”

**Yesuhz lao aacz Petros ngaz
thiangz thengz Daehz**

*(Matthe 26:31-35, Markus
14:27-31, Lukas 22:31-34)*

³⁶ Simon Petros maanyz Hnhz, “Tahz, Mih ngaz lan a naez?” Yesuhz mial daz, “Ti Ohz lan ne seu ni mih nam caang tawiz Ohz, keuiz daz waaiz an ni mih ngaz bawnz tawiz boh.”

³⁷ Petros mial daz, “Tahz, cih naehz ohz nam caang tawiz seu ni a? Ohz ngaz cunz phawmz daehz ta Mih.”

³⁸ Yesuhz kaw tawpz daz, “Mih ngaz cunz mawn boh Ohz nahz phawmz daehz haz?

Ohz daz mawn mih nahz, co yaerz maat keu dawrz ne mih ngaz daz daehz nam mas Ohz waiz laehz!”

Yesuhz naeh reung dengz lan cu Paz Phraz

14 Yesuhz daz teu pæz Daehz nahz, “Pehz yak khiz phawmz. Yum Phraz Pen Caoh ræz. Yum tang Ohz ræz.
² Tuhz kaang Paz Ohz tui maang lukz ti moh heungz baaiz. Beuk nam anz ceun diz kaw Ohz nam lao, Ohz ngaz lan raenz ti moh ta pehz nahz ne Ohz a wa lao pehz nam anz
³ haz? Waaiz Ohz a wa lan raenz aez ti pehz nahz kaw Ohz mial truz leh pehz, aez pehz
⁴ naeh kawmz Ohz ti Ohz naeh tui. Pehz mas boh reung dengz ti Ohz lan.”
⁵ Thomas daz Hnhz nahz, “Tahz, ehz nam mas ti Mih lan, ehz ngaz cih seu naez mas reung dengz?”
⁶ Yesuhz tawpz daz hnhz nahz, “Ohz naeh reung dengz, naeh traz an anz boh naeh phawmz. Nam anz tawiz Ohz kaw yaeh
⁷ nam caang lan cu Paz. Beuk pehz a wa mas Ohz kaw pehz ngaz mas Paz. Seu ni lan pehz a wa mas Hnhz ræ a wa awlz Hnhz.”
⁸ Philip daz, “Tahz, plaiez ehz nahz Paz ræz, beuk plaiez ceun diz kaw ngaz phre phawmz ehz.”
⁹ Yesuhz tawpz daz, “Philip aez, Ohz moh peur lah pehz ceu nawhz thanz teur ni kaw mih maat mas Ohz lawh haz? Ihz awlz Ohz kaw a wa awlz Paz. Cih naehz mih caang
¹⁰ daz plaiez ehz nahz Paz a? Ohz naeh tuh Paz, Paz naeh tuh Ohz ne mih nam yum haz? Mony an Ohz lao pehz ne nam anz Ohz lao tawiz a na Daehz. Kaanz an Ohz cih keui kaw naeh Paz an moh tuh Ohz ne
¹¹ cih. Yum Ohz an Ohz naeh tuh Paz, Paz naeh tuh Ohz. Beuk nam yum an Ohz lao

kaw yawt an laak laaiz an Ohz cih keui ræ
¹² yum ræz. Ohz daz mawn pehz nahz, ihz yum Ohz keui ngaz cih ceun Ohz cih. Ngaz cih mawh lak an Ohz cih, kawp daz Ohz
¹³ ngaz weng cu Paz. Ka pehz leh mus Ohz maanyz ne Ohz ngaz cih aez, an diz cih aez
¹⁴ bunz Paz thaangz kawp Kuanz. Beuk Pehz leh mus Ohz maanyz naehz kaw Ohz ngaz cih ceun pehz maanyz.”

Yesuhz mok keu tih ngaz aez Khuanz Seu Ngamz

¹⁵ “Beuk pehz rak Ohz kaw pehz ngaz cih
¹⁶ tawiz sinz Ohz. Ohz kaw maanyz tawz Paz, Hnhz ngaz aez pehz nahz Tahz Kawr, aez
¹⁷ naeh kawmz pehz se se. Tahz an diz naeh Khuanz an plaiez traz an anz. Ihz prih keu tehz keui nam caang rap Hnhz, kawp daz keuh nam awlz Hnhz, keuh nam mas Hnhz. Keuiz daz pehz samz mas Hnhz, kawp daz Hnhz moh kawmz pehz ræ ngaz naeh tuh pehz.
¹⁸ Ohz ngaz nam cunz thengz pehz ceun kuanz keum leng. Ohz ngaz mial truz cu
¹⁹ pehz. Nam moh ceu nawhz leui, ihz prih keu tehz keui ngaz nam awlz Ohz thaengz leui, keuiz daz pehz samz ngaz awlz Ohz boh. Kawp Ohz imz ræ pehz kaw ngaz imz.
²⁰ Kaai seu ngihz an diz pehz ngaz mas boh Ohz naeh tuh Paz Ohz, pehz naeh tuh Ohz, Ohz kaw naeh tuh pehz.
²¹ Ihz bawnz sinz Ohz ræ cih tawiz ne naeh ihz rak Ohz. Ihz rak Ohz keui Paz ngaz rak keuh. Ohz kaw ngaz rak ihz an diz ræ truz cu hnhz.”
²² Yudas, an nam anz Yudas Iskariot ne daz, “Tahz, cih naehz plaiez toz Daehz ehz nahz, samz nam plaiez kaai ihz prih keu tehz keui nahz a?”

²³ Yesuhz mial daz, “Beuk ihz rak Ohz ne hnhz ngaz cih tawiz mony reu ma Ohz. Paz Ohz kaw ngaz rak hnhz. Aaiz kaw truz cu
²⁴ hnhz, Aaiz ngaz moh kawmz ihz an diz. Ihz nam rak Ohz ne nam cih tawiz mony reu ma Ohz. An pehz ngarz ne nam anz mony Ohz, Paz phuhz Ohz truz rae Ohz lao pehz nahz.
²⁵ Meuz Ohz naeh kawmz pehz ne Ohz a wa
²⁶ lao an keu ni. Keuiz daz Paz ngaz phuhz truz tawiz a khwaangz Ohz Tahz Kawr an naeh Khuanz Seu Ngamz ne ngaz sawnz pehz nahz klawhz meoz rae ngaz cih aez pehz tang mial mony reu ma an Ohz lao pehz nahz hacz aamz.
²⁷ Ohz mok pehz nahz reung dengz nimz. Ohz aez pehz nahz reung dengz nimz Daehz. Ohz aez pehz nahz nam naeh ceun ihz tuhز prih keu tehز aez. Pehz yak kawcz
²⁸ phawmz, yak doz. Pehz a wa ngarz Ohz lao daz, ‘Ohz ngaz lan rae mial truz cu pehz.’ Beuk pehz rak Ohz kaw pehz ngaz seuz phawmz an Ohz lan cu Paz. Kawp daz
²⁹ Paz mawh myaat lak Ohz. Meuz maat naeh ceun diz ne seu ni Ohz lao teuk aacz pehz nahz, meuz naeh truz ceun diz ne aez pehz
³⁰ ngaz yum. Tae leh seu ni lan Ohz ngaz nam reu ma heungz pehz nahz leui, kawp daz Satan an naeh khunz upz prih keu tehز ne ngaz truz. Hnhz nam maang taanz khoz
³¹ naehz kaai Ohz. Keuiz daz aez ihz prih keu tehز keui mas an Ohz rak Paz ne Ohz cih tawiz ceun Paz lao mok Ohz. Ceng raez, ehz lan leuk.”

Yesuhz naeh cing plaehz seu pit

15 Yesuhz lao teu paez Daehz keui nahz, “Ohz naeh cing seu pit mawn, Paz Ohz samz naeh ihz cih sraakz.

² Hnhz mak thengz klawhz kaakz an nam plaehz tuhز Ohz, tawngz thengz klawhz kaakz an maang plaehz ne aez keuh plaehz
³ truz heungz heungz. Pehz a wa aamz tawiz
⁴ mony reu ma Ohz lao pehz. Moh tuhز Ohz raez, Ohz kaw moh tuhز pehz. Ceun kaakz seu pit nam takz kaai cing daehz ne nam caang plaehz, pehz nam moh tuhز Ohz kaw nam caang plaehz.
⁵ Ohz naeh cing seu pit, pehz naeh kaakz. Ihz an moh tuhز Ohz, Ohz moh tuhز hnhz ne caang plaehz heungz heungz. Beuk praasz Ohz kaw pehz nam caang cih
⁶ naehz. Beuk ihz nam moh tuhز Ohz kaw hnhz an diz naeh ceun kaakz talz wiurz thengz thaz nawk rae wiatz hawngz. Ihz keui seutz leh kaakz keu diz sapz tuhز
⁷ ngal rae kat. Beuk pehz moh tuhز Ohz, mony reu ma Ohz naeh tuhز pehz ne pehz sunz maanyz naehz kaw pehz ngaz bawnz.
⁸ Kawp pehz maang plaehz heungz heungz rae ihz keui mas pehz naeh teu paez Ohz,
⁹ bunz Paz kaw thaangz. Ceun Paz rak Ohz ne Ohz rak pehz. Moh tuhز reung dengz
¹⁰ rak yaw Ohz raez. Beuk pehz cih tawiz sinz Ohz kaw pehz ngaz naeh tuhز reung dengz rak yaw Ohz, naeh ceun Ohz cih tawiz sinz Paz rae naeh tuhز reung dengz rak yaw Hnhz.
¹¹ Ohz lao pehz nahz an ni aez reung dengz seuz Ohz naeh tuhز pehz rae aez pehz
¹² thanz paw seuz aez teuk. Sinz Ohz samz, ceun Ohz rak pehz ne pehz teur deuiz teur
¹³ rak daehz raez. Nam maang reung dengz rak naehz mawh lak reung dengz rak ihz an khaam cunz phawmz ta bohز raen daehz.
¹⁴ Beuk pehz cih tawiz sinz an Ohz lao kaw
¹⁵ pehz naeh raen Ohz. Ohz nam raak pehz naeh peur cao leui, kawp daz peur cao

nam mas reung cih tahz paz leng daehz. Ohz raak pehz naeh raen kawp daz Ohz aez pehz mas an Ohz sawnz leh tawz Paz¹⁶ Daehz hacz aamz. Pehz ras leh Ohz nam anz, Ohz ras leh pehz rae khaanz pehz aez plaehz heungz heungz, aez plaehz takz takz. Paz ngaz aez pehz nahz seu pehz¹⁷ maanyz tuhaz mus Ohz. An ni naeh sinz traz an Ohz lao pehz, pehz teur deuiz teur rak daehz raez.”

Ihz prih keu tehaz ngaz ceuh pehz

¹⁸ “Beuk ihz prih keu tehaz ceuh pehz kaw¹⁹ mas keuh a wa ceuh aacz Ohz. Beuk pehz naeh ihz prih keu tehaz kaw ihz prih keu tehaz keui ngaz rak pehz ceun keuh rak ihz daehz. Kawp pehz nam anz ihz prih keu tehaz, Ohz ras pehz lae thaz prih keu tehaz kawp ceun diz rae ihz prih keu tehaz keui²⁰ ceuh pehz. Tang tang mony reu ma Ohz lao pehz, kuanz leng nam mawh taan tahz paz leng daehz. Beuk ihz keui pae suamz Ohz kaw keuh ngaz pae suamz pehz. Beuk keuh cih tawiz mony Ohz sawnz kaw keuh ngaz²¹ cih tawiz mony pehz. Keuh ngaz pae suamz pehz ceun diz kawp keuh nam mas Tahz an phuhz Ohz truz boh kawp pehz yum²² Ohz. Beuk Ohz nam truz lao plaehz keuh nahz kaw ihz prih keu tehaz keui, keuh unz bawnz reung dengz kawi daehz. Keuiz daz seu ni keuh nam unz bawnz reung dengz²³ kawi daehz. Ihz ceuh Ohz kaw ceuh pa²⁴ tang Paz. Beuk Ohz nam cih an laak laaiz peur lah keuh an ihz nam ti cih ne keuh nam maang reung dengz kawi. Keuiz daz seu ni keuh a wa awlz an laak laaiz kaw ceuh Ohz²⁵ boh Paz Ohz. Keuiz daz an ni aez keunyz

ceun an taemz mok tuhaz kyaamz keuh daz, ‘Keuh ceuh Ohz maat maat.’

²⁶ Meuz Tahz Kawr an Ohz phuhz aez pehz nahz an truz thaz Paz, naeh Khuanz an plaehz traz an anz phraeoz truz ne Hnhz²⁷ ngaz krai lawng Ohz. Pehz kaw bawnz krai kawp daz pehz naeh kawmz Ohz thaz meuz seu teungz.”

16 “Ohz lao pehz nahz an keu ni hacz aamz ne yak thengz reung dengz² yum pehz. Ihz keui ngaz wah thengz pehz thaz crawp rawz traz. Neuz lak an diz kraao ihz piamz pehz keui thaang daehz cih kaanz Phraz ne ngaz phraeoz mawn.³ Keuh ngaz cih ceun diz kawp daz keuh nam⁴ mas Paz, nam mas Ohz. Ohz a wa lao aacz pehz nahz lawng keu diz, meuz naeh truz ceun diz ne aez pehz tang mony reu ma an ni. Ohz nam lao pehz thaz meuz seu teungz kawp daz Ohz yeung naeh kawmz pehz.

Kaanz Khuanz Seu Ngamz

⁵ Seu ni Ohz ngaz lan cu Tahz an phuhz Ohz truz, tuhaz pehz ne nam maang yaeh maanyz Ohz, ‘Mih ngaz lan thaz naez?’⁶ Kawp Ohz lao lawng keu ni rae pehz⁷ phawmz kyehz teuk. Keuiz daz Ohz daz mawn pehz nahz, an Ohz lan ne maang a keoz ta pehz. Beuk Ohz nam lan kaw Tahz Kawr nam truz cu pehz. Keuiz daz beuk Ohz lan, Ohz ngaz cao Hnhz truz cu pehz.⁸ Meuz Hnhz truz ne Hnhz ngaz plaehz reung dengz kawi ihz prih keu tehaz, reung dengz⁹ keu sangz boh reung dengz tatz traz. Hnhz ngaz plaehz lawng reung dengz kawi kawp¹⁰ keuh nam yum Ohz, Tahz an kawr ne plaehz

reung dengz keu sangz kawp Ohz lan cu
¹¹Paz rae pehz nam awlz Ohz. Tahz an kawr
 ne plaez tang reung dengz tatz traz kawp
 daz Satan an naeh khunz upz prih keu tehz
 a wa talz taam.

¹² Ohz sunz lao pehz nahz heungz baaiz
 keuz daz seu ni pehz nam pae teuk ngarz.

¹³ Keuz daz meuz Khuanz an plaez traz an
 anz truz ne Hnhz ngaz aez pehz mas traz
 an anz hacz aamz. Hnhz nam lao tawiz a
 na Daehz, Hnhz ngaz lao tawiz an Daehz
 ngarz boh lao lawng an ngaz naeh truz.

¹⁴ Hnhz ngaz cih aez bunz Ohz thaangz kawp
 daz Hnhz ngaz lao plaez pehz nahz mony

¹⁵ reu ma an Hnhz bawnz a Ohz. Ka an Paz
 maang ne naeh khangz Ohz. Kawp ceun
 diz Khuanz Seu Ngamz ngaz lao plaez pehz
 nahz mony reu ma an Hnhz bawnz a Ohz.”

Phawmz kyehz ngaz penz an seuz phawmz

¹⁶ Yesuhz lao teu paez Daehz keui nahz,
 “Moh seu co pehz ngaz nam awlz Ohz leui,
 moh thaengz seu co pehz awlz Ohz boh.”

¹⁷ Teu paez teur ka keui teur daz daehz
 nahz, “Hnhz daz naehz ez, ‘Moh seu co
 pehz nam awlz Ohz leui, moh thaengz seu
 co pehz awlz Ohz boh a?’ Samz daz tang

¹⁸ ‘Ohz lan cu Paz’ a?” Keuh teur maanyz
 daehz, “Hnhz sunz daz naehz ez, ‘Moh seu
 co’ a? Ehz nam loz phawmz an Hnhz lao.”

¹⁹ Yesuhz mas keuh sunz maanyz Daehz
 nahz lawng an diz rae daz keuh nahz,

“Pehz teur deuiz teur maanyz daehz lawng
 Ohz lao daz, ‘Moh seu co pehz nam awlz
 Ohz leui, moh thaengz seu co pehz awlz

²⁰ Ohz boh’ ne haz? Ohz daz mawn pehz
 nahz, pehz ngaz bawnz yaam kraang, ihz
 prih keu tehz samz ngaz bawnz seuz. Pehz
 samz phawmz kyehz, keuz daz an pehz
 phawmz kyehz ne penz an seuz phawmz

²¹ boh. Keun nyah thatz maang kuanz ngaak
 ne suhz kraang, kawp daz kraao keut a
 wa phraeoz. Keuz daz waaiz hnhz maang
 kuanz ngaak ne teur wil an daehz suhz
 kawp daz hnhz seuz bawnz maang ihz

²² hawkz tuhz prih keu tehz. Pehz kaw naeh
 ceun diz, seu ni pehz phawmz kyehz,
 keuz daz Ohz ngaz awlz thaengz pehz rae
 pehz ngaz seuz phawmz, reung dengz seuz
 phawmz an diz yaeh nam rimz leh bawnz.

²³ Kaai seu ngihz an diz pehz ngaz nam
 maanyz Ohz nahz naehz. Ohz daz mawn
 pehz nahz, Paz Ohz ngaz aez pehz nahz

²⁴ seu pehz maanyz tuhz mus Ohz. Taw seu
 ni pehz maat maanyz naehz tuhz mus Ohz.
 Maanyz raez, ngaz bawnz rae ngaz seuz
 phawmz teuk.

Yesuhz pae prih keu tehz

²⁵ Ohz leh mony pung taek a wa lao plaez
 pehz nahz lawng an ni, keuz daz kraao
 Ohz nam leh mony pung taek lao keu sangz

²⁶ lawng Paz ne ngaz phraeoz. Kaai seu ngihz
 an diz pehz ngaz maanyz tuhz mus Ohz.

Ohz nam daz Daehz ngaz maanyz aez pehz
²⁷ nahz tawz Paz keuz. Toz Paz rak pehz
 kawp daz pehz rak Ohz, yum tang Ohz
²⁸ truz thaz Phraz Pen Caoh. Ohz truz thaz
 Paz rae truz cu prih keu teh, seu ni Ohz
 praasz prih keu teh rae ngaz weng cu
 Paz.”

²⁹ Teu paez Yesuhz keui kaw daz, “Seu ni
 Mih a wa lao keu sangz, nam leh pung taek
³⁰ lao plaesz leui. Seu ni ehz a wa mas an Mih
 mas hacz aamz rae yaeh thanz paw nam lo
 maanyz naehz a Mih. An ni cih aez ehz yum
 an Mih truz thaz Phraz Pen Caoh.”

³¹ Yesuhz tawpz daz, “Seu ni anz pehz a wa
³² yum mawn? Yawt, kraao pehz ngaz seuk
 praaiz weng cu kaang daehz klawhz ihz,
 cunz thengz Ohz kiutz taw Daehz ne ngaz
 phraeoz rae seu ni paw phraeoz mawn.
 Keuz daz Ohz nam anz taw Daehz, kawp
³³ daz Paz naeh kawmz Ohz. Aez reung dengz
 nimz Ohz naeh tuh pehz ne Ohz lao pehz
 nahz lawng keu ni. Pehz ngaz peur teuk
 tuh prih keu teh an ni. Keuz daz yak
 kawcz phawmz, Ohz a wa ang prih keu
 teh.”

Yesuhz suz tawngz

17 Waaiz Yesuhz daz ceun diz ne
 Hnhz ngaw yawt kaang raaoz rae
 suz tawngz, “Paz, kraao a wa phraeoz. Aez
 Kuanz Mih caang cih aez bunz Mih thaangz
 ne aez bunz Kuanz Mih thaangz se kamz.
² Kawp daz Mih aez Kuanz nahz a na upz
 peung ihz hacz aamz, aez Kuanz caang aez
 phawmz cen cen tawz ihz an Mih aapz aez
³ Kuanz nahz. Phawmz cen cen daz ne mas
 Mih naeh Phraz mawn taw Daehz boh mas
⁴ Yesuhz Khris an Mih puhz truz. Ohz a wa
 cih aez bunz Mih thaangz tuh prih keu

tehz. Kaanz an Mih cao Ohz cih kaw Ohz
⁵ a wa cih. Paz, seu ni aez Ohz nahz bunz
 aacz ngaai Mih, ceun bunz meuz Ohz naeh
 kawmz Mih thaz meuz prih keu tehz maat
 naeh.

Yesuhz suz tawngz ta teu paez

⁶ Ohz a wa cih aez ihz mas Mih an Mih aapz
 aez Ohz nahz tuh prih keu teh. Keuh
 naeh ihz Mih, Mih leh keuh aez Ohz nahz
⁷ rae keuh kaw teuk ngarz mony Mih. Seu
 ni keuh mas klawhz meoz an Mih aez Ohz
⁸ nahz ne naeh an truz thaz Mih. Kawp daz
 Ohz aez keuh nahz mony reu ma an Mih
 aez Ohz nahz rae keuh kaw saanyz rap
 mony reu ma an diz. Keuh mas an Ohz truz
 thaz Mih ne naeh an mawn rae keuh yum
 Mih puhz Ohz truz.

⁹ Ohz suz tawngz ta keuh nahz. Ohz nam
 suz tawngz ta ihz prih keu teh nahz, keuz
 daz suz tawngz ta ihz an Mih aez Ohz nahz
¹⁰ kawp daz keuh naeh ihz Mih. Ka maang ihz
 Ohz kaw naeh ihz Mih, ka maang ihz Mih
 kaw naeh ihz Ohz. Bunz Ohz kaw thaangz
¹¹ tawiz keuh keu ni. Seu ni Ohz ngaz nam
 naeh tuh prih keu teh leui, keuz daz
 keuh samz yeung naeh tuh prih keu teh,
 Ohz truz cu Mih. Paz Seu Ngamz aez, leh
 taanz khoz mus Mih an Mih aez Ohz ne kan
 khraez keuh. Aez keuh naeh hawkz kawmz
¹² ceun Aaiz Paz naeh hawkz kawmz. Meuz
 Ohz yeung naeh kawmz keuh ne Ohz leh
 taanz khoz Mih an Mih aez Ohz nahz ne
 kan khraez keuh. Neuz lak kuanz an talz
 luh sumz pan yaeh nam luh sumz, an ni aez
¹³ kyaamz lik ngaz keunyz. Seu ni Ohz truz
 cu Mih, aez keuh bawnz reung dengz seuz
 phawmz Ohz teuk ne Ohz lao lawng keu ni
 meuz Ohz yeung naeh tuh prih keu teh.

¹⁴ Ohz aez keuh nahz mony reu ma Mih rae ihz prih keu tehz keui ceuh keuh kawp keuh nam anz ihz prih keu tehz ne ceun Ohz
¹⁵ nam anz ihz prih keu tehz. Ohz maanyz leh plaiez keuh thaz prih keu tehz nam anz, keuiz daz Mih kan khraez keuh lawt thaz
¹⁶ tahz an raai. Keuh kaw nam anz ihz prih
¹⁷ keu tehz ceun Ohz nam anz. Cih aez keuh seu ngamz tuhز traz an anz, mony reu ma
¹⁸ Mih naeh traz an anz. Ceun Mih phuhz Ohz truz tuhز prih keu tehz ne Ohz kaw phuhz
¹⁹ keuh lan tuhز prih keu tehz. Ohz pukz caw toz Daehz ta keuh nahz, aez tang keuh seu ngamz tuhز traz an anz.

**Yesuhz suz tawngz ta
ihz yum yam hacz aamz**

²⁰ Ohz suz tawngz aez nam anz taw ta keuh, pa tang ta ihz yum Ohz kawp mony reu
²¹ ma keuh rawz. Paz, aez keuh hacz aamz naeh hawkz kawmz ceun Mih naeh tuhز Ohz boh Ohz naeh tuhز Mih. An keuh naeh tuhز Aaiz ne aez ihz prih keu tehz ngaz
²² yum Mih phuhz Ohz truz. Ohz aez keuh nahz bunz an Mih aez Ohz nahz, an diz cih aez keuh naeh hawkz kawmz ceun Aaiz
²³ naeh hawkz kawmz. Ohz naeh tuhز keuh rae Mih naeh tuhز Ohz. Aez keuh naeh mawn hawkz kawmz rae aez ihz prih keu tehz keui ngaz mas Mih phuhz Ohz truz, aez mas tang Mih rak keuh ceun Mih rak Ohz.

²⁴ Paz, Ohz sunz aez keuh an Mih aapz aez Ohz nahz keui naeh kawmz Daehz ti Ohz naeh ne aez keuh awlz bunz Ohz an Mih aez Ohz nahz kawp Mih rak Ohz thaz meuz
²⁵ aacz phaen cih prih keu tehz. Paz Keu Sangz aez, ihz prih keu tehz keui nam mas Mih kaw Ohz mas boh Mih. Teu paez Ohz
²⁶ a niz keui mas Mih phuhz Ohz truz. Ohz cih aez keuh mas Mih rae yeung cih aez thaengz keuh mas Mih, ceun Mih rak Ohz ne aez keuh teur rak daehz rae Ohz kaw aez naeh tuhز keuh se kamz.”

Ihz cawpz Yesuhz

(Matthe 26:47-56, Markus 14:43-50, Lukas 22:47-53)

18 Waaiz Yesuhz a wa suz tawngz ceun diz ne Hnhz lae lan tawiz teu paez Daehz, lo lan thaz tui omz rawng Kidron. A diz maang sraakz olip, Hnhz boh teu paez Hnhz keui kut tuhز sraakz an diz.
² Yudas an saz kokz Hnhz kaw mas ti an diz kawp daz Yesuhz boh teu paez Daehz
³ keui kai lan naeh a diz. Yudas kaw aacz truz siukz seu cumz boh siukz pao wat an beunz caangz boh Pharise keui plawiz truz, khaenz tang ngal krae, ngal ngawiz,
⁴ waac boh plas keui. Yesuhz mas an Daehz ngaz talz keui hacz aamz rae lae cu keuh maanyz keuh daz, “Pehz khahz yaeh?”
⁵ Keuh mial daz, “Khahz Yesuhz ihz weng Nasaret.” Yesuhz kaw daz, “Ohz naeh

Hnhz eu.” Yudas an saz kokz Hnhz kaw
⁶ ceng kawmz keuh a diz. Meuz Yesuhz daz,
 “Ohz naeh Hnhz eu,” ne keuh kaw keun
⁷ titz taz plaakz naak tuhز keu tehز. Yesuhz
 kaw maanyz thaengz keuh, “Pehz khahz
 yaeh?” Keuh kaw daz, “Khahz Yesuhz ihz
 weng Nasaret.”

⁸ Yesuhz tawpz daz, “Ohz a wa lao pehz,
 Ohz naeh Hnhz, beuk pehz khahz Ohz kaw
⁹ plawiz keuh keu ni lan raez.” An ni aez
 keunyz mony Hnhz lao daz, “Ohz nam aez
 luh sumz ihz an Mih aapz aez Ohz nahz
 hawkz hawkz.”

¹⁰ Simon Petros maang waac, truatз mak
 teuk teutz keu tiakz takz kaaiz peur cao
 ceu beunz. Mus peur cao daz Malkhus.

¹¹ Yesuhz lao Petros nahz, “Sapz mial waac
 tuhз kaang raez. Ohz ngaz nam tiangz
 klakz an Paz aez Ohz nahz leui haz?”

Ihz mat Yesuhz lan cu ceu beunz Annas

¹² Meuz diz cumz siukz tang ihz mawh siukz
 boh ihz mawh Yio keui cawpz mat Yesuhz.

¹³ Keuh leh Hnhz lan cu aacz ceu beunz
 Annas, an naeh pawhz keuh ceu beunz
 Kaiaphas, an naeh ceu beunz kaai wit an
¹⁴ diz. Kaiaphas an diz naeh ihz aez mok a
 kyaam Yio keui nahz daz, “Ihz hawkz yam
 taangz ihz hacz aamz ne baaiz rak.”

Petros thiangz thengz Yesuhz

(Matthe 26:69-70, Markus
 14:66-68, Lukas 22:55-57)

¹⁵ Simon Petros boh thaengz teu paez
 hawkz lan tawiz puatz Yesuhz. Kawp teu

paez an diz peur mas tang ceu beunz rae
 hnhz kut tawiz Yesuhz phraeoz teu laangz
¹⁶ hawz ceu beunz. Keuiz daz Petros ceng
 boh thaz nawk rim keur wah. Teu paez an
 mas ceu beunz ne truz lao keun nyah pao
¹⁷ keur wah rae nap Petros kut. Keun nyah
 pao keur wah ne maanyz Petros daz, “Mih
 hawkz nam anz teu paez Yesuhz haz?”
 Petros mial daz, “Ohz nam anz.”

¹⁸ Meuz phangz an diz katz rae peur cao boh
 siukz an pao keui sapz ngal keul casz, ceng
 tatz ngal wit wit. Petros kaw ceng tatz peur
 kawmz keuh.

Ceu beunz caetz Yesuhz

(Matthe 26:59-66, Markus
 14:55-64, Lukas 22:66-71)

¹⁹ Meuz diz ceu beunz maanyz Yesuhz
 lawng teu paez Hnhz boh lawng traz an

²⁰ Hnhz sawnz aez. Yesuhz mial daz, “Ohz
 lao ihz nahz keu sangz aacz ngaai ihz keui.
 Ohz sawnz aez se se tawiz cawp boh a
 wat, ti Yio hacz aamz keui kai peur cuhz ne
²¹ Ohz nam ti lao unz. Cih naehz caang daz
 maanyz Ohz a? Maanyz ihz an ngarz Ohz
 raez. Keuh mas boh Ohz lao naehz.”

²² Meuz Yesuhz daz ceun diz ne siukz an
 ceng pao hawkz paapz mawk Yesuhz. Hnhz
 daz, “Mih caang tawpz ceu beunz ceun
 diz.”

²³ Yesuhz mial daz, “Beuk Ohz daz pleung
 kaw lao plaez an Ohz pleung raez. Keuiz
 daz Ohz daz traz an anz ne paapz Ohz cih
 naehz?”

²⁴ Ceu beunz Annas puhz Yesuhz an peun
 mat ne cao lan cu ceu beunz Kaiaphas.

Petros thiangz thengz thaengz

(Matthe 26:71-75, Markus 14:69-72, Lukas 22:58-62)

- ²⁵ Meuz Petros ceng tatz ngal ne ihz maanyz daehz, “Mih hawkz nam anz teu paez Hnhz haz?” Hnhz kaw thiangz thengz thaengz daz, “Ohz nam anz.”
- ²⁶ Maang peur cao ceu beunz hawkz, naeh kuanz mai ihz an Petros mak teuk teutz keu tiakz ne daz Petros nahz, “Nam anz ohz awlz mih naeh kawmz Hnhz tuhaz sraakz haz?”
- ²⁷ Petros kaw thiangz thengz thaengz, moh seu co yaerz kaw keu dawrz.

Khunz Pilat caetz Yesuhz

(Matthe 27:1-2,11-14, Markus 15:1-5, Lukas 23:1-5)

- ²⁸ Meuz teuk ngup cao cao ne ihz mawh Yio keui kaw aacz lan Yesuhz moh tawz Kaiaphas cu hawz khunz prih Rom. Kawp a wa thatz kraao pawiz lawt phez, yak aez daehz woi, aez daehz caang suamz tuhaz pawiz ne ihz Yio keui nam kai kut tuhaz hawz an diz. Kawp ceun diz khunz Pilat lae maanyz keuh, “Pehz sunz nae naehz kaai Hnhz?”
- ²⁹ ³⁰ Keuh mial daz, “Beuk ihz an ni nam cih kaw kaw, ehz nam aapz aez mih nahz.”
- ³¹ Khunz Pilat daz keuh nahz, “Pehz leh lan daehz rae tatz traz kaai Hnhz tawiz traz pehz raez.” Ihz mawh Yio keui thiangz daz, “Ehz nam maang traz caang piamz yaeh.” An ni aez keunyz tawiz mony reu ma Yesuhz lao mok daz Daehz ngaz bawnz yam ceun nae ne.

- ³³ Khunz Pilat kut mial tuhaz hawz, raak leh Yesuhz maanyz daz, “Mih naeh Khunz Yio haz?”
- ³⁴ Yesuhz mial maanyz, “An ni mih daz leh daehz haz? Nam anz kaw ihz a wa lao mih nahz lawng Ohz haz?”
- ³⁵ Khunz Pilat mial daz, “Ohz naeh Yio haz? Kheuz Mih boh beunz caangz Mih keui leh truz Mih aapz ohz nahz. Mih cih peun naehz?”
- ³⁶ Yesuhz daz, “Parih Ohz nam caap saeng prih keu tehaz an ni. Beuk caap saeng prih keu tehaz ne teu paez Ohz keui a wa bang, yak aez Ohz klaez tuhaz tihz ihz mawh Yio. Keuiz daz prih Ohz nam caap saeng prih keu tehaz.”
- ³⁷ Khunz Pilat maanyz, “Beuk naeh ceun diz kaw Mih naeh Khunz haz?” Yesuhz tawpz daz, “Ohz naeh ceun mih daz ne. Neuz lak an diz aez Ohz caang kraai traz an anz ne Ohz keut rae Ohz truz tuhaz prih keu tehaz. Ihz an naeh thaz plaakz traz an anz keui teuk ngaraz mony Ohz.” Khunz Pilat maanyz, “Traz an anz ne naeh naehz?”

Ihz aez taam yam Yesuhz

(Matthe 27:15-31, Markus 15:6-20, Lukas 23:13-25)

- Hnhz lae lan mial thaz nawk rae daz ihz mawh Yio keui nahz, “Ohz nam awlz Hnhz cih kaw naehz. Keuiz daz ceun ohz kai cih ne ohz ngaz plawiz ihz hawkz meuz phangz pawiz lawt phez ne pehz sunz aez ohz plawiz khunz Yio haz?”
- ³⁹ ⁴⁰ Keuh raak daz, “Yak plawiz Hnhz, plawiz ehz nahz Barapbas.” Barapbas samz naeh konz.

² **19** Khunz Pilat kaw leh Yesuhz aez ihz rotz Hnhz. Siukz keui leh seur keutz taanyz cih paanz kumz, supz aez kingz Yesuhz rae kap aez Hnhz nahz cung ³ cui eurz. Keuh lan cu Hnhz rae nal daz, “Heuiz, khunz Yio!” Keuh paapz mawk Hnhz.

⁴ Khunz Pilat lae truz cu thaengz thaz nawk, daz ihz mawh Yio keui nahz, “Yawt, ohz ngaz leh Hnhz lae cu pehz, aez pehz mas ohz nam awlz reung dengz kawi naehz ⁵ kaai Hnhz.” Meuz Yesuhz lae truz ne supz paanz kumz seur keutz, kap tang cung cui eurz. Khunz Pilat daz keuh nahz, “Hnhz naeh a niz!”

⁶ Meuz beunz caangz boh ihz mawh siukz keui awlz Hnhz ne keuh raak daz, “Tawkz piamz Hnhz kaai lakz klawngz klaengz raez, tawkz Hnhz raez!” Khunz Pilat tawpz daz keuh nahz, “Pehz leh Hnhz lan tawkz piamz daehz ne raez, ohz tae nam awlz reung dengz kawi naehz ta aez taam Hnhz ⁷ yam.” Ihz mawh Yio keui daz, “Ehz maang sinz traz, ehz leh tawiz sinz traz ne Hnhz an ni theukz yam kawp Hnhz daz Daehz naeh Kuanz Phraz Pen Caoh.”

⁸ Meuz khunz Pilat ngarz ceun diz ne ⁹ hnhz baaiz doz. Hnhz kut mial tuhz hawz rae maanyz Yesuhz daz, “Mih truz thaz naez?” Keuiz daz Yesuhz nam tawpz hnhz ¹⁰ nahz naehz. Khunz Pilat daz, “Mih ngaz nam upz ohz haz? Anz Mih mas ohz maang a na an caang plawiz Mih, tawkz piamz Mih yam kaai lakz klawngz klaengz?”

¹¹ Yesuhz tawpz daz, “Beuk thaz kol nam tam aez mih nahz kaw mih nam maang a na naehz kaai Ohz. Kawp ceun diz ihz an leh Ohz aapz aez mih nahz baaiz kawi truh.”

¹² Meuz hnhz a wa ngarz ceun diz ne kyaam plawiz Yesuhz boh. Keuiz daz Yio keui raak

daz, “Beuk mih plawiz ihz an diz kaw nam anz boh khunz longz Kaesar keuiz. Ihz an daz daehz naeh khunz keui naeh ihz khatz khunz longz Kaesar.”

¹³ Meuz khunz Pilat ngarz ceun diz ne hnhz raak Yesuhz lae lang nawk rae keu dez kaai tangz tatz traz, an ihz keui raak daz Reu Aangz Paelz, mony Hebre daz Kapbatha.

¹⁴ Meuz diz naeh seu ngihz phit pawiz lawt phez kraao seu ngihz keun cang. Khunz Pilat daz Yio keui nahz, “Yawt, khunz pehz naeh a niz.”

¹⁵ Keuiz daz keuh raak daz, “Leh thengz Hnhz, leh thengz Hnhz, tawkz Hnhz kaai lakz klawngz klaengz!” Khunz Pilat maanyz keuh, “Aez ohz tawkz piamz khunz pehz haz?” Beunz caangz keui mial daz, “Neuz lak khunz longz Kaesar ne ehz nam maang khunz.”

¹⁶ Meuz diz khunz Pilat kaw leh Hnhz aapz aez a keuh lan tawkz kaai lakz klawngz klaengz.

Ihz tawkz Yesuhz kaai lakz klawngz klaengz

(Matthe 27:32-44, Markus 15:21-32, Lukas 23:26-43)

¹⁷ Keuh kaw leh Yesuhz lan, Yesuhz kaw bawnz baekz lakz klawngz klaengz Daehz phraeoz ti an raak daz Klakz Kingz, mony

¹⁸ Hebre daz Kolkotha. Keuh tawkz mok Yesuhz a diz kaai lakz klawngz klaengz, ihz keu aarz kaw talz tawkz tang daehz ihz teur lakz. Kaar naeh ihz teur plaakz,

¹⁹ Yesuhz samz naeh teun khinz. Khunz Pilat taemz lik rae cao tawkz mok kaai lakz klawngz klaengz. Lik an diz daz, “Yesuhz

²⁰ ihz weng Nasaret, naeh khunz Yio.” Kawp daz ti an tawkz mok Yesuhz kaai lakz

klawngz klaengz ne nam yaan weng rae ihz Yio keui heungz baaiz rawz lik an taemz

²¹ mok lik Hebre, lik Latin boh lik Krik. Beunz caangz Yio keui daz khunz Pilat nahz, “Yak taemz daz ‘Khunz Yio,’ luz, taemz aez daz, ‘Hnhz an ni daz Daehz naeh khunz Yio,’ eu.”

²² Khunz Pilat mial daz, “Yak meu rae an ohz taemz.”

²³ Meuz phangz siukz keui leh Hnhz tawgz mok kaai lakz klawngz klaengz ne keuh leh cung cui Hnhz cih aez lae ponz patz, keuh leh ihz teur patz. Seu kaeng supz samz nam maang ti peun harz, kez mok thaz

²⁴ kokz taw peur ngeun rae, keuh teur daz daehz nahz, “Yak siarz an diz, ehz ngaz pohz ceu kawz leh.” An diz aez keunyz tawiz kyaamz lik daz, “Keuh teur baengz leh cung cui ohz, pohz ceu kawz leh seu kaeng ohz.” Kawp ceun diz siukz keui cih

²⁵ ceun diz. Rim lakz klawngz klaengz Yesuhz ne mah Hnhz, seum boh mah Hnhz, Mari an naeh yah Klopas boh Mari Makdalen

²⁶ keui ceng boh a diz. Meuz Yesuhz awlz Mah Daehz boh teu paez an Daehz rak ceng boh a diz ne daz mah Daehz nahz, “Mah aez, yawt kuanz mih raez.”

²⁷ Daz tang teu paez an diz nahz, “Yawt mah mih raez.” Tae leh kaanz diz teu paez an diz leh mah Yesuhz weng mok kaang daehz.

Yesuhz yam

(Matthe 27:45-56, Markus 15:33-41, Lukas 23:44-49)

²⁸ Waaiz an diz Yesuhz mas kaanz a wa hacz aamz, samz aez keunyz tawiz kyaamz lik daz rae Hnhz daz, “Ohz coh omz.”

²⁹ A diz maang omz seu pit praang neuk klohz, keuh kaw leh paaiz nyuh sapz tuh diz, sapz kaai cawgz kawz hissop rae teuk

³⁰ pawrz aez tawz mony Hnhz. Meuz Hnhz a wa nyuak leh ne Yesuhz daz, “Kaan a wa.” Hnhz seul phaek plotz phawmz Daehz.

Ihz leh plas teusz prawgz Yesuhz

³¹ Seu ngihz an diz naeh seu ngihz phit, ceun kap siz samz naeh seu ngihz sinz mawh myaat rae kaai seu ngihz sinz ne ihz mawh Yio keui nam sunz aez toz yam keui naeh kaai lakz klawngz klaengz. Keuh kaw maanyz khunz Pilat aez tiz teuk peukz cawng aez yoh yam rae aez teuk klaez toz

³² yam. Siukz keui kaw truz tiz teuk peukz cawng ihz hawkz an tawgz kawmz Yesuhz kaai lakz klawngz klaengz, thaengz hawkz

³³ kaw keuh tiz teuk peukz. Keuz daz meuz keuh phraeoz tawz Yesuhz ne awlz Hnhz a wa yam rae keuh nam tiz cawng Hnhz.

³⁴ Siukz hawkz leh plas teusz prawgz Yesuhz,

³⁵ meuz diz luat naamz boh omz lae truz. Ihz hawgz an awlz an diz kaw kraai plaetz, an hnhz kraai kaw anz. Hnhz mas an daehz daz ne naeh traz an anz boh khaam saak se ³⁶ aez pehz yum. An naeh ceun diz ne aez keunyz tawiz kyaamz lik daz, “Yaeh nam bawnz tiz teuk peukz ceun aangz Hnhz ³⁷ hawgz hawgz.” Tuhz kyaamz lik thaengz seu ti ne daz, “Keuh ngaz teuk soz awlz ihz talz teusz teuk loz.”

Yosep saangz keo Yesuhz

(*Matthe 27:57-61, Markus 15:42-47, Lukas 23:50-56*)

³⁸ Waaiz an diz Yosep ihz weng Arimathea, an naeh teu paez Yesuhz hawgz an moh biapz biapz kawp daz hnhz doz ihz mawh Yio, hnhz kut maanyz toz yam Yesuhz. Khunz Pilat aez hnhz leh kaw hnhz leh ³⁹ lan toz yam. Nikodemus, an lan cu Yesuhz teuk bimz meuz aacz kaw lan tawiz Yosep, Hnhz leh truz mar hawm seuk rah naam sa ⁴⁰ aarz kawlz cawi. Kaar leh toz yam Yesuhz saangz keo tawiz thungz caam Yio rae ⁴¹ sapz an hawm rae leh banz wian. Ti keuh tawgz piamz Yesuhz kaai lakz klawngz klaengz ne maang sraakz seu ti. Tuhz sraakz an diz maang peun lu tham teun ⁴² mehz, an maat ti saangz keo yaeh. Seu ngihz an diz naeh seu ngihz phit Yio, peun lu samz naeh thatz rae kaar saangz keo toz yam Yesuhz a diz.

Yeushz meu rae imz

(*Matthe 28:1-8, Markus 16:1-8, Lukas 24:1-12*)

20 Kaai seu ngihz aacz tuh z wong, teuk ngup cao cao prih yeung bimz

ne Mari Makdalen lan peun lu tui, awlz reu aangz an bitz mok ne peun kling kraai ² mok thaz waar tuh z. Hnhz wang lan cu Simon Petros boh teu paez thaengz hawgz an Yesuhz rak ne daz, “Ihz keui a wa leh lae toz yam Tahz eh z thaz peun lu, eh z nam mas keuh mok Hnhz a naez!”

³ Kawp ceun diz Petros boh teu paez ⁴ thaengz hawgz lae lan cu peun lu. Kaar wang teu tawiz, keuz daz teu paez thaengz hawgz ne wang peun lan Petros ⁵ rae phraeoz aacz a peun lu. Meuz hnhz kuiz teuk wiak yawt tuh z ne awlz kiutz taw banz aamz, keuz daz hnhz nam kut ⁶ tuh z diz. Simon Petros an phraeoz thaz puatz hnhz kaw kut yawt tuh z diz. Hnhz ⁷ awlz banz tam boh a diz. Banz ihz yam an wian kingz Yesuhz ne nam naeh kawmz banz wian toz, seuk mar daehz nahz seu ti ⁸ leun. Meuz diz teu paez an phraeoz aacz kaw kut tang daehz tuh z peun lu, hnhz ⁹ awlz rae yum. Taw phraeoz kraao an diz kaw kaar maat loz phawmz tuh z kyaamz lik daz Yesuhz bawnz meu rae imz thaz ¹⁰ reung dengz yam. Kaar kaw weng cu kaang daehz.

Yesuhz paw truz aacz ngaai Mari Makdalen

(*Matthe 28:9-10, Markus 16:9-11*)

¹¹ Keuz daz Mari yeung ceng yaam boh thaz nawk peun lu. Tang yaam kuiz teuk wiak ¹² yawt tuh z peun lu ne awlz teu maan kaang raaoz keu aarz kap kreung keun ra, keu dez boh ti mok toz yam Yesuhz, hawgz naeh thaz kingz, hawgz naeh thaz cawng. ¹³ Teu maan kaang raaoz kaar diz maanyz keun nyah an diz daz, “Keun nyah aez, mih yaam cih naehz?” Keun nyah ne daz, “Ihz

keui leh toz yam Tahz ehz lan, ohz nam mas keuh mok Hnhz a naez.”

¹⁴ A wa daz ceun diz kaw hnhz waaiz yawt, awlz Yesuhz ceng boh a diz. Keuiz daz hnhz nam tang ihz an diz naeh Yesuhz.

¹⁵ Yesuhz daz, “Keun nyah aez, mih yaam cih naehz? Mih khahz yaeh?” Thaang Hnhz naeh ihz lum la sraakz rae daz, “Sra, beuk mih leh toz yam Hnhz lan kaw lao ohz mih mok toz yam Hnhz a naez. Ohz ngaz leh lan toz yam Hnhz.”

¹⁶ Yesuhz daz hnhz nahz, “Mari.” Mari waaiz yawt Yesuhz raak lao nahz mony Hebre daz, “Rapboni!” (an diz loz daz Sra.)

¹⁷ Yesuhz daz, “Yak maat teu Ohz, Ohz maat bawnz raw cu Paz. Lan lao kuanz mai Ohz keui nahz, ‘Ohz ngaz raw cu Paz Ohz an naeh Paz pehz, Phraz Ohz an naeh Phraz pehz.’”

¹⁸ Mari Makdalen lan lao teu paez keui nahz, “Ohz a wa awlz Tahz ehz.” Samz lao tang keuh nahz an Tahz lao daehz keui.

Yesuhz paw truz aacz ngaai teu paez keui nahz

*(Matthe 28:16-20, Markus
16:14-18, Lukas 24:36-49)*

¹⁹ Meuz teuk borz seu ngihz an diz maen seu ngihz aacz tuhaz wong ne teu paez keui cuhz teur kawmz, dapz tang keur wah kawp daz keuh doz ihz mawh Yio. Yesuhz truz ceng teun khinz keuh daz, “Aez reung dengz nimz naeh kaai pehz se kamz!”

²⁰ Waaiz Hnhz daz keuh nahz ceun diz ne Hnhz plaaz keuh nahz tihz Daehz boh prawkz Daehz. Meuz teu paez keui awlz

²¹ Tahz ne keuh seuz phawmz baaiz. Yesuhz daz thaengz keuh nahz, “Aez reung dengz nimz naeh kaai pehz se kamz. Ceun Paz

phuhz Ohz truz ne Ohz kaw cao pehz lan.”

²² Hnhz putz sapz kaai keuh rae daz keuh nahz, “Saanyz leh Khuanz Seu Ngamz

²³ raez. Beuk pehz plawiz aez reung dengz kaw ihz kaw keuh lawt, beuk pehz nam plawiz lawt kaw keuh nam lawt.”

Yesuhz paw truz Thomas nahz

²⁴ Thomas an raak daz Didimus, an loz daz kuanz teuk praas, an naeh tuhaz seu kawlz aarz ne meuz Yesuhz truz ne hnhz nam

²⁵ naeh kawmz teu paez keu diz. Kawp ceun diz teu paez keu diz daz hnhz nahz, “Ehz a wa awlz Tahz ehz.” Keuiz daz hnhz daz keuh nahz, “Beuk ohz maat awlz puatz hirz tawkz kaai tihz Hnhz rae leh reum haz tihz ohz beutz yawt puatz hirz boh prawkz Hnhz ne ohz nam yum.”

²⁶ Waaiz an diz tahz seu ngihz, teu paez keui naeh thaengz tuhaz kaang, Thomas kaw naeh kawmz keuh. Sangz daz dapz mok boh keur wah kaw Yesuhz truz ceng teun khinz keuh daz keuh nahz, “Aez reung

²⁷ dengz nimz naeh kaai pehz se kamz!” Daz tang Thomas nahz, “Leh reum haz tihz mih beutz yawt a niz raez, yawt tang tihz Ohz. Teuk pawrz tihz mih, leh reum haz mih beutz yawt prawkz Ohz raez. Yak thaang pleung. Yum Ohz lah.”

²⁸ Thomas daz Hnhz nahz, “Naeh Tahz ohz, naeh Phraz ohz!”

²⁹ Yesuhz kaw daz hnhz nahz, “Kawp mih awlz Ohz rae yum Ohz. Kaai ihz nam awlz Ohz samz yum Ohz ne bawnz an rak.”

Reung aanz kyaamz an ni

³⁰ Yesuhz plaaz an laak laaiz teu paez keui nahz an nam taemz maaiz mok tuhaz

kyaamz lik an ni kaw maang heungz baaiz.
³¹Keuiz daz taemz mok an keu diz, aez pehz thanz paw yum daz Yesuhz naeh Khris, Kuanz Phraz Pen Caoh, kawp yum rae pehz bawnz phawmz cen cen a Hnhz.

Yesuhz paw truz a waar nawngz

21 Waaiz an diz Yesuhz paw truz thaengz a teu paez keui a waar nawngz Tiberias. Hnhz paw truz ceun nae
²ne, naeh Simon Petros, Thomas an raak Didimus, Nathanael ihz weng Kana tuhz prih Kalile, kuanz Sebede keu aarz, boh teu paez thaengz keu aarz, keuh naeh teur
³kawmz. Simon Petros daz keuh nahz, “Ohz ngaz lan khahz kahz.” Keuh kaw daz, “Eh kaw ngaz lan tawiz mih.” Keuh kaw lae lan kut tuhz ceun luang. Keuiz daz borz an diz keuh nam bawnz kahz hawkz hawkz.
⁴Meuz seu ngihz taamz lae ne Yesuhz ceng tawz waar omz, keuiz daz teu paez keui
⁵nam tang Hnhz naeh Yesuhz. Yesuhz raak maanyz keuh, “Raen, anz pehz bawnz kahz?” Keuh daz, “Nam.”
⁶Hnhz daz, “Rup sapz plaakz takz kaaiz ceun luang raez, pehz ngaz bawnz boh kahz teur ka.” Keuh kaw rup sapz rae nam pae laak plaetz rup daehz leui, kawp daz rup talz kahz heungz baaiz.
⁷Teu paez an Yesuhz rak kaw daz Petros nahz, “An diz naeh Tahz ehz.” Meuz Simon ngarz daz, “An diz naeh Tahz ehz,” ne kawp hnhz pucz mok kreung, hnhz leh cung cui teoz mok daehz kaw teum plung sapz
⁸tuhz omz. Teu paez an kiutz keui samz naeh tuhz ceun luang, keuh yeung laak lae

truz rup khamz kahz neuk rup ne a waar, kawp daz keuh yeung yaan waar hanz
⁹kawlz tapz. Meuz keuh phraeoz lang pukz ne awlz mukz tamz ngal boh kahz purz boh
¹⁰kaaiz mun. Yesuhz daz keuh nahz, “Leh truz kahz teur ka an pehz taamz bawnz truz raez.”

¹¹Simon Petros mial kut tuhz ceun luang rae laak truz rup lang pukz. Tuhz diz maang kahz mawh seu peur ya hanz kawlz waiz toz, keuiz daz rup kaw nam teutz.
¹²Yesuhz daz keuh nahz, “Truz suamz kaaiz ngup raez.” Teu paez an nae kaw nam yaak maanyz Hnhz, “Mih naeh yaeh?” Kawp daz
¹³keuh mas Hnhz naeh Tahz daehz. Yesuhz truz leh kaaiz mun aez keuh nahz, kahz kaw Hnhz cih ceun diz.
¹⁴An ni naeh kaai waiz laehz Yesuhz paw truz aacz ngaai teu paez Daehz, waaiz Hnhz meu rae imz thaz yam.

Yesuhz maanyz Petros

¹⁵Meuz keuh a wa suamz ne Yesuhz maanyz Simon Petros nahz, “Simon kuanz Yohn aez, anz mih rak Ohz leuz lak keuh rak Ohz?” Petros daz, “Anz, Tahz, Mih mas boh ohz rak Mih.”

Yesuhz daz, “Damz soz kyehz Ohz keui
¹⁶raez.” Yesuhz maanyz thaengz, “Simon kuanz Yohn aez, anz mih rak Ohz?” Petros tawpz daz, “Anz, Tahz, Mih mas boh ohz rak Mih.”

Yesuhz daz, “Yawt soz Ohz keui raez.”
¹⁷Kaai waiz laehz samz Hnhz maanyz Petros, “Simon kuanz Yohn aez, anz mih rak Ohz?” Petros kaw phawmz kyehz kawp daz

Yesuhz maanyz hnhz waiz laehz daz, “Anz mih rak Ohz.” Petros daz, “Tahz, Mih mas hacz aamz, Mih mas boh ohz rak Mih.”

Yesuhz kaw daz hnhz nahz, “Damz soz
¹⁸ Ohz keui raez. Ohz daz mawn mih nahz, meuz mih yeung plung ne mih mat seum mat daehz rae lan ti daehz sunz lan. Keuiz daz meuz mih a wa thao ne ihz ngaz leh tihz mih kaang kaalz tang aarz plaakz, ihz ngaz mat mih, ihz aacz lan mih ti mih
¹⁹ nam sunz lan.” Yesuhz daz ceun diz ne lao phaath Petros ngaz bawnz yam ceun nae rae aez bunz Phraz Pen Caoh thaangz. Yesuhz kaw daz tang hnhz nahz, “Lan tawiz Ohz raez.”

Yesuhz boh teu paez an Hnhz rak

²⁰ Meuz Petros waaiz yawt ne awlz teu paez an Yesuhz rak ne truz tawiz kaar. Hnhz naeh ihz ceuk naeng Yesuhz meuz keuh suamz seum suamz teuk borz ne hnhz maanyz daz, “Tahz, naeh yaeh an
²¹ saz kokz Mih a?” Meuz Petros awlz hnhz

ne hnhz maanyz Yesuhz daz, “Tahz, kaai hnhz samz ngaz naeh truz ceun nae?”

²² Yesuhz tawpz daz, “Beuk Ohz sunz aez hnhz imz thonz taw Ohz mial truz tui kaw caang daz cih naehz kaai mih? Mih samz bawnz lan tawiz Ohz.”

²³ Kawp ceun diz mony reu ma teu paez an diz nam bawnz yam ne sirz lan tawiz peur lah kuanz mai yum yam. Keuiz daz Yesuhz nam daz hnhz nam bawnz yam, Hnhz daz, “Beuk Ohz sunz aez hnhz imz thonz taw Ohz mial truz tui kaw caang daz cih naehz kaai mih?”

²⁴ Krai lawng an ni boh taemz lawng an ni ne naeh teu paez an diz. Ehz mas an hnhz kraik ne naeh an tawz.

Mony reu ma teuk wa

²⁵ Yesuhz cih tang meoz keui kaw heungz baaiz. Beuk taemz mok keuh hacz aamz kaw ohz thaang kyaamz lik keu diz nam paw bawnz prih keu teh an ni leui.

Kyaamz Yohn a wa dutz.